



08681

天真閣集卷七

詩七

雜詩

昭文

孫原湘

瀟湘館藏

一語不合意，帟帷自胡越。兩心果相照，萬里同秋月。握手出肺肝，副之珊瑚玦。但覺意氣雄，豈解相慕悅。物理感自然，不見磁引鐵。

涼蟾入虛室，照見人影孤。我有素心友，遠在西北隅。寄聲與秋風，道我相招呼。長隨一片月，抱影還故都。願借運寸光，照彼萬里途。月高不可問，月落空啼烏。

客去獨坐

老樹禿無葉，秋聲何處生。忽如頭白士，猶作不平鳴。月落人初去，風高聽倍驚。翻嫌天不雨，無計爲畱行。

渡江

天真閣集卷七

小別金焦又五年，一雙青眼故依然。鳥盤絕頂聲俱上，帆到中流影在先。無地劃開吳楚界，有天圍住水雲邊。飄然已作揚州夢，不用腰纏十萬錢。

清江逢故人

與子十年別，音書萬里招。津亭一相遇，木葉正蕭蕭。便下淮南去，無由停短橈。惟餘兩行淚，和雨落江潮。

冒雨夜達青駝寺

獨客天涯已斷冤，滿身風雨又黃昏。雙輪一徑與石鬪，萬壑眾流隨馬奔。燐火有聲穿古墓，溼烟無力脫遙村。茅簷兒女團圓樂，坐安上篝燈早閉門。

鄭城

夢猶馬背續馬足已先停沂水雙瞳碧蒙山一髮青問官徵舊
史傾蓋說孤亭孔望峯頭望長風瀉海溟

禪林

紅葉紫霞蒸清溪白石澄遠山幽似客孤樹瘦子僧野色當秋
迴鄉心入莫增禪林好風景記得夢遊會

車行晚晴

馬頭風細鐸聲圓雨過諸山晚翠妍老屋偏支秋水外
婬晴纔漏斷雲邊霜楓紅繡羣羊地烟樹青兜一雁天村
落寒花三四簇天涯愁殺杜樊川

黎城

松門嶺頭新月生松門嶺下遊人行綠杉暗處鷓鴣宿
鶯起忽啼三五聲

天真閣集卷七

順德懷古

沙邱之臺秋復秋廣阿之澤流不流說秦空勞季子舌拔趙竟
斬陳餘頭井陘道上左車計柏人城中趙午謀古今機事只如
光柳溪笑殺閒眠鷗

望都旅夜

雲起望都山雨灑紫荆嶺孤館峭寒生如坐深山境美人期不
來迢迢夜方丙燈花落復開風動剪刀冷愁思夢無由湘簾蕩
人影雞聲啞啞催衣裳不暇整五更出郭門濃露滴衣領

宿長新店夢回京師同淵如子和

茫茫人海少閒身纔出京華便散人翻爲相思忘不得又勞秋
夢入紅塵

旅夜

夢入紅塵

任有疏簾隔尖風冷透膚不知秋氣逼祇覺客心孤寒月光全
縮殘燈欲欲蘇雁聲天際緊僕夢正饋餉

曉發

霜天漠漠淡於波月色連天一片和幽樹瘦疑秋士立遠山平
似曉烟拖夢殘猶苦雞聲喚愁重難勝馬力駝十載征衫青未
脫祇餘燕市酒痕多

樂城

小屋含愁坐疏簾寒氣侵酒醒知月上人靜覺秋深落葉頻年
况殘燈此夜心滄沱河水落嗚咽和霜碓

高郵

不及送殘月出門朝日升天青羣樹合山白亂雲蒸人籟靜于
水客心孤似僧西來風力勁秋澗欲成冰

趙店

天眞閣集卷七

二

羣峯到此坦天就一孤邨人外秋聲碎楓邊夕照溫石生山腹
子雞抱樹頭孫比屋多豐稔桑麻細與論

武安縣

到境諸峯合蒼蒼翠不分曉天含卯色寒石裂冰紋縣小裏紅
樹城開穿白雲當關能戰守最憶武安君

山行

紅日如盤挂碧林茅簷兒女弄雙鍼朝來飢色黃如菜五色山
花兩鬢簪

上章關茂

得子和故鄉書

知我思君切書來報已歸欣言慈母健悵道故人違遠水礙春

樹亂雲涵夕暉栖遲此何意瑤瑟冷清徽

觀奔

看是平平路中藏勢險巖寸心籌算密尺地運謀奇虛實防人
誘高低竊自知點頭應得計斂手定生疑恃勝恆多敗貪功易
受欺被圍憂莫解破敵喜難支落子神頭鎮隨方鬼陣移拙行
圖適性費日苦凝思鉅鹿爭雄日昆陽決戰時推枰同一笑黑
白漫相持

重別上黨

昔從親宦遊三年郡齋任朝看百穀雲莫看五龍樹飄然賦歸
歎山川屢回顧迢迢松門嶺烟霞夢中赴今歲隨春來孤蹤偶
停駐春盡趣我行天乎太匆遽雲光秀依然樹色翠如故異地
豈足戀吾親舊遊處灑涕出北門塵容寫憂慮落日銜空山脚

躡倦行路

太行回車行

太行之山高巍巍青天壓頂勢欲摧密林深莽伏魑魅幽崖邃
壑含風雷白日之光不可到但覺猿啼虎嘯暝色催壯士到此
顏色慘殺人之心死爲灰馬蹄不能駐車輪不能推中心搖搖
似畏而非畏似哀而非哀天生李將軍自是飛將才一戰不得
當五石空能開黃金散盡可復來青春一去不復回或言神仙
在蓬萊勸我汗漫遊九垓登高望海水一杯海中豈有金銀臺
不如歸去南山隈烏虜不如歸去南山隈山中自有輪囷鬱律
無用之長材

任城太白酒樓歌

乾坤茫茫此酒樓酒星搖搖樓上頭謫仙人去我來此闌干一

憑生百愁古來人人杯在手古來幾人知飲酒當時已甚無酒
徒呼取青天月爲友欲飲李白酒先識李白人醒眼看人欲羞
死不如一醉全其真長安少年遊俠郎相逢不言各盡觴世人
不識李太白但言市頭酣嬉一酒狂我欲樓中置兩位三閭大
夫來作配同是騎鯨水上仙千古一醒與一醉要知醒者亦醉
醉亦醒白也詩卽離騷經三閭早識酒中意悔不湘江浮綠醽
我生千一百年後夢見長星飛入口覺來酒思如涌泉走上樓
頭看北斗鷓鴣之杓鸚鵡杯高呼太白不下來風吹黃河作酒
色愁思如何酒消得

歸舟

我船昨日渡黃河片帆直下如平坡同行客子各快意爲言此
樂應難繼朝來一葉臨江泊白浪高千濶州郭舟人惕息不敢
行強之始作呬啞聲中流橫吹鐵笛和一聲直逼涼雲破颶風
忽轉爲輕颿鯨波化作青琉璃鮫人河伯各聽命員闕龍堂開
寶鏡鏡中打槳雙飛鳧船頭唱歌船尾呼人生驚喜不可測莫
信前途俱坦適回首黑雲風又起我船只行十八里

哭李

侓

徐本雲間故家子年十二隨余先大夫守上邳命典
書記尋以親老告退西藏之訃侓聞涕泣如雨未幾

遂病宛轉衾褥間日課詩數首卒以瘵死

十五年隨侍尋常亦可哀况能懷主德更有出羣才每負錦囊
去同探梅萼開蹇驢今得句淒絕付誰來

甚欲問遺囊還愁觸我悲常懷親在日曾譽汝能詩萬里勞臣
績三年故主思從今翻妬汝泉路得追隨

重光大淵獻

過亡兒阿安墓

隔歲不經墓松楸似汝長九原應釋恨百歲亦終亡大父丹心炳勞臣白骨香弱菟風雨夜好住阿翁旁

采桑歌

日出東南角倉庾上樹鳴攜筐吾敢緩已恐有人行

省綠長者蓮池清梵圖蕭百堂屬賦

蕭郎示我長者像命我讚歎須合掌平生不解作禪語謂若騷蠻鳥弄吭欣然開卷爲題詩下筆如搖隔鞞癢但見澄滄水一區中有扶藁若在盍文翰錦翼不識名蓮葉東西戲來往蕭郎軒渠笑我陋凡夫讀書見未廣此水名爲寶蓮池其中寶蓮長十丈迦陵頻伽微妙音鳥爲供奉花供養我聞歡喜生信心嗅之無香聽無響三間破屋老西風公然竟作天際想我鄉湖上荷華開湖尾湖頭蕩蘭漿鸞鷺瀟瀟如雪來欸乃一聲山月上此時意境如凌虛不復知身在天壤何須作佛生西天卽此儵然脫塵網悔初居士百堂自號東坡禪見我此詩應整賞舌本瀾翻作寶池蓮花盡從舌底長大家燒卻乾矢橛一以遊戲爲宗仰省綠長者曰咄咄當頭打下一拄杖

天真閣集卷七

六

絕食操

王貞字慕貞太倉馮策勳之聘婦勳卒貞泣血不食矢奉母以終守十三年矣母死世父香復許字某女聞自縊救之復甦某復與香謀娶女遂托疾不食而死余聞其義撫琴爲之操曰

爲兒語伯兒不復死兒今有疾疾何爲耶僵不食問之醫者醫

者不能識兒腹飽仁義安用黍與稷兒性自薑桂安用棗與朮
母許兒守義伯所習知之伯欲兒更行痛母未及知欲兒更行
勿苟且兒去問母黃泉下

殷母張孺人節孝操

皇天不仁奪我夫兮誰爲反哺飼君姑兮上堂熙熙姑色怡兮
忘其身之無兒兮下堂申申姑履輕兮不知其目之盲兮非忘
其盲兮惟婦之爲明兮非忘其嗣兮惟婦之爲子兮

春人曲

春人出簾春有聲蝴蝶飛上釵頭迎花枝揚揚柳宛宛一齊都
向闌邊傾大婢焚香篆雙縷小婢折花馥初舉東風吹響過牆
頭半雜鶯歌半人語人語喁喁不可傳春情只在鏡臺前新眉
如月初三夜新月如人十五年春光一瞥如飛絮春人靜守紅

天眞閣集卷七

七

窗莫翳取朝雲作綵幡如何遮得斜陽住

汝南曲

心青先生鐵石心美人何事來花陰願煩南史淋漓筆爲作西
家宛轉吟沈吟欲語還羞盈出口都成蘭氣息未從舌底露愁
端已向眉間傳恨色自言門第列簪纓阿父鬢宮舊有名公瑾
雅人能顧曲彥倫高蹈更遺榮可憐兩鬢蕭蕭白生女如兒倍
珍惜十三教誦比紅詩二八工挑縷金鳥珍重金屏射爵遲偏
教楚客繫紅絲桃華未待冰開日椿樹先凋露結時銀漢迢迢
春漏永舊家門巷烏啼冷剛逢月上柳梢頭恰來人弄花枝影
卻下晶簾不敢看風欺銀燭護持難衣襟百結空持帶釵股雙
飛忽挂冠明珠頓減千金價一縷心香悔中夜阿母教移鸞鳳
巢比鄰潛結鴛鴦社有客蒙翁脯擘麟當筵一擲銷千縉原知

白璧終爲玷無柰黃金易誤人從此朝懽莫不足鍼箱倦繡
人服酒後高呼五木蘆花前低按雙聲曲小字驚傳滿縣城出
山泉豈入山清鏡歛願返溫家聘珠斛重邀石尉盟陸賈金多
顏實寢李郎情薄猜尤甚鄴下雖營銅雀臺宣城自抱神雞枕
會記芳筵七夕期就中張緒最風姿盜深屢勸傳柑酒坐遠難
邀卻扇詩秋風秋雨挑燈聽靜掩牕紗人欲病淚點宵融翡翠
衾愁顏曉滿芙蓉鏡花縱嬌饒月縱妍佗時飄泊豈堪憐真孃
骨葬誰家土蘇小竟歸何處天呼來畫手長康妙君未眼花儂
正少對面相邀屑玉譚回頭手握圓冰照刻意凝思兩日成遲
遲下筆點雙睛若教屢喚真應下便不能言己似生圖成自洗
椒觴莫畫裏朱顏莫輕變化日身隨柳絮飛有人尙識梨花面
長歌贈胡山人 埔 卽題其長松圖

天真閣集卷七

八

上無青天松作蓋下無尺土松根代軒然獨立古丈夫身與松
直非松扶以手指心心似鏡活人壽人惟我柄世人不能無死
生此手能使往者留其形世人不能無苑槁此手能使少者形
不老陰陽爲炭精氣銅陶鑄面目百不同君今鑪錘自在手筆
與造化爭其功隨珠照乘無迴照翻倩他人寫君貌良醫從古
不自醫教子由來易而教我今更欲掣君肘莫漫逢人施妙手
眼中豈易得佳人世上何嘗別妍醜城南市頭酒涌泉不如逕
買一醉眠屠沽未必無奇士誰是商巖寢裏賢

中秋對月憶阿安舊事

入戶風淒淒當牕月皎皎悠悠對空庭戚戚傷懷抱丁未中秋
夕骨肉紛圍繞三郎初讀書故事解咨攷翦紙作兩層如鏡圓
而小中畫一常儀隱約在雲表上題重輪宮下署臣剛造黏上

雪色屏舉家稱絕倒更索端靜生名 伸紙筆如埽輒題六十字

疑義不可曉兒初讀說文爾雅輒喜作詩裁學大小本作象籀

消泐濯齊玳文半不可識中秋詞云巖穹屏氣翳隴霧告依巖

奮龍龍舌膠反蝦蟇金飽吐氣青林間結珠洞綺闥深淵御

不解何謂也 中間有奇語蝦蟇齧金飽詩成索我改拂之容

色愀語以明年秋當為汝易彙懽喜跳躍去重來覓剡裏前事

猶宛然聰明已枯槁空餘遺挂存對我聲悄悄月光照壁上五

貌仍姣好此時孤墳中黽黽方竄擾毒手遭庸醫非關命嘗天

汝父味藥理終天怒如擣

大兒文初 見余前詩愴然有憶弟之作示和二首

三年荒卻中秋宴豈意今宵更舉盃收淚甫能思往事生兒端

怕賦奇才吟成壁月真飛去記得金環定再來麝角封題遺墨

在蟲絲蛛網忍重開

天眞閣集卷七

九

四子成行失兩人就中最秀最先淪始知兒輩宜豚犬不合人

間有鳳麟漫擬西河投杖拜差羸東野束柴身亂思紆憤都無

益還向元夫問宿因

筠樵北行同子山子和瑣儒凌客叔野攜酒餞飲

有錢不飲不如寔有花不看不如瞽階下平堆絳蠟膏盤中細

切紅虬脯酒酣慷慨發高歌人世能無別離苦丈夫七尺空昂

藏俯仰兩間竟無補十年磨劒未屠龍五石開弓不射虎寂寞

文章付草萊蕭條生計持門戶珊瑚歲歲滅容光孔翠時時惜

毛羽兒女情教白髮生英雄力貴青年努十月燕臺雪作花秦

姬彈箏趙姬舞君去應須解鷓鴣人前莫謾誇鸚鵡更無駿骨

委泥沙恐有奇才隱屠酤此會團欒豈偶然故人喜得今宵聚

且將瘦骨傲東籬莫便離心黯南浦興酣已便五嶽搖撼戰猶

其餘剪賈千杯不醉勝長鯨四韻無成罰童殺西風滿地落葉
深有酒且澆故鄉土

筠樵索余詩彙檢得少作一卷贈之

海內論詩幾輩同知音解惜纓餘桐西風驢背衝寒去吟向蕭
蕭落葉中

登高

漢水不西去夕陽無復東紅塵十丈裏青史幾行中巖壑徒陳
迹登臨尙古風吾曹吟嘯處星斗動虛空

美人

我有愁心在何緣醉汝旁不如明鏡好長對美人妝瑤瑟無由
寄羅衣空復香因之化秋月終古照蘭房

山中

天真閣集卷七

十

插天千尺壁上有秦時松一夜西風老擎空欲化龍乍看白雲
起已作青芙蓉不是梅花候無人此倚筇

檢閱舊彙戲題

未知肝膽向誰傾一尺春波一尺情誤使才名爲俗重生來軀
骨似仙輕終慙李白清狂思猶帶秦青激楚聲方欲懺除文字
習虹光偏轟斗牛明

夢中作

采得靈芝壽玉皇罡風吹動紫霞裳諸天眷屬齊聞得道是人

間草木香

詠顧裕愍公事同吳竹橋丈作

魏闈竊權趙高比朝廷竟有兩天子先生身未列諫垣代草疏
章王莊毅刺沈確疏語侵客氏當時謂出公手深切齒南昌劉一去國幾中傷萬城

王罷職善類亡交關青紫莫効力乾兒義子增披猖文言小吏
實禍水百難多從借端起移官牽合及封疆正人一網打盡矣
議能議勞實愛才誣以弼獄冤可哀六人適成芝六瓣祺邪瑞
邪殊怪哉五人既斃鎮撫獄先生對簿刑尤酷此氣寧爲比部
撓此身羞被閹人僂借使自誣誣五人九原應玷清流目慷慨
投繯大義完鷹犬何從肆其嗾不入東林用意深舉朝誰識賈
彪心本非同事偏同難君子惟知大節臨羣黨之分係乎此何
事紛紛門戶啟他年力薦楊維垣卻是東林黨魁耳

紫姑神曲

新年兒女樂事濃紅燈夜點清茶供瑤鼎纔焚瓣香篆玉盤乍
啟凝塵封靈機忽重似鐵筆作圈漸大如金鍾須臾磨上蟻旋
急分明雪裏鴻雷蹤揣摩著眼認帝虎連掉如意猶神龍惜難

天眞閣集卷七

十一

雙鉤付刊勒幸許兩腕聊從容清思妙理語未道奇字與句文
則從丰容隔世已杳眇環佩卽席疑了冬當今

堯舜御六合悉屏魑魅如四凶吞刀吐火法所禁安鑪置鼎丹
誰鎔民知豐年足娛樂俗循故事眞愚蠢鬼神本屬意境造游
戲亦以禮貌恭偶乘生氣一鼓動遂假人手爲衡縱事人未能
况事鬼學仙不如還學農蠶家占驗聊復爾豬鬮迎送誰其逢
明朝舉室發大笑箕箕尙插花蓬鬆

朱烈女哀詞

烈女新市人幼許字秦聞訃誓以死守有求婚者家
人欲奪其志遂縊而死

聖人不強人所難女子豈解大節完婿喪弗娶許改適婿死服
斬弔則還與爲勉強中道悔寧順父命求其安苟能凜然持大

義聖人豈不許其志惜曾子問不復及致令後儒滋異議士人讀書希聖賢功名內熱氣節捐颯顏事仇管子學世脩降表李氏傳高官厚爵且如此未食君祿宜其然何況閨門弱女子生眼不識經與史利誘勢奪百不回竟得從容就義死始謂豈易得一人繼璜溼馮璜溼王貞今又秦同時正氣既不孤異世大節猶如新或言二女並已過若論中庸莫附和西山曾未立商朝夫子稱仁賞其餓

桃源瀟觀瀑行

山中一夜飛雪響朝來桃花紅滿山白雲乍起幽谷底轉眼已失青螺鬟夜夢芙蓉不可攀白龍倒挂龍尾彎松風時來忽吹斷龍涎細噴桃花斑先生遇之心悠然眼中久已無人間桃花非花水非水赤城霞氣蒼梧煙便欲乘龍向天闕一夜飛度瑤臺月手弄桃花三度紅倒聽幾簷千尺雪

吳江舟中

楓葉落翩翩寒波望渺然天垂太湖水樹出洞庭烟酒盡客無醉霜清人未眠素娥偏耐冷永夜自嬋娟

烟雨樓逢盧石愚少尹

光琳

因語舊遊

久聞逸興滿吳興兩襲清風一縣丞我過南湖望烟水君乘西日亦攀登雪閣上柳春盤馬雲淨豐臺曉放鷹他日相逢又何處也應記得此遊曾

夜發南湖與石愚話別

亦知終別去小立待黃昏此後各千里何時更一尊宦貧非計拙政暇是君恩莫道離情苦飛鴻起遠邨

舟中至夜

靜覺寒生醉卽和剪殘紅燭照顏酡來船鄉語吳江近隔夜邨
醪浙水多正喜詩情開處得何妨佳節客中過西風莫把歸程
阻便到歸時又若何

阻風

收起蘭橈卷起篷看他帆影去怱怱長年莫苦低眉坐撥轉船
頭卽順風

人生鼎鼎百年身幾夕團圓笑語真路本不遙家日近尙因佳
節倍思親

新嫁娘

妝罷窗紗日影偏含情猶未出堂前生無姊妹嬌原慣嫁得兒
夫穉可憐風雅早聞吟雪裏聰明微露額山邊從今已是蘋蘩
婦好咏關雎第六篇

寒夜詞

天真閣集卷七

三

龍鬢八尺銷紋鋪活火櫻桃煖得無妾有心中香一縷願郎常
似博山爐

海燕銀魚作錦窠海濱滋味莫如佗作羹與卿供朝膳願得雙
栖一燕窩

元默困敦

新年

新年百事總翻新燈火叢叢鬧四鄰恰有東風能徇俗但除明
月不生塵詩人獨守梅花靜書卷能忘菽水貧一巷青山儘幽
悄卻從方寸自尋春

過某氏園係絳雲樓故址

樓臺雖好自蒼涼閒話前朝易夕陽奇籍已沈灰萬劫清陰猶

繞木千章花能得氣春偏短石爲無情壽獨長猶喜烟雲供眺
賞滄桑休問耦耕堂

茅亭行

吾族本芝公名朝讓崇禎四年進士守閩嶠藩豫章
悉有惠政歸田後結茅山麓闢圃樹梅榜曰平章香
白百餘年來零落既盡亭亦垂圯五世孫增莊手整
亂石編竹爲籬補梅其隙屬余作是篇

入門青山在屋裏斗大茅亭傍山起都無藻績炫耳目但有縹
緗式浮靡去年大雪三日狂主人讀書不下堂夜聞驚風折庭
竹仰視七星橫屋梁天晴葦草疊亂石頭面不梳一月忙我來
芟除事甫畢隔牆正度山梅香兄家五世小方伯宦成歸來頭
未白手種梅花三百株花時座滿平原客亭中潑墨滿四壁亭

天眞閣集卷七

十四

下落花深數尺祇謂終娛衰老身豈意長留子孫宅世間得喪
如雲煙沈沈華屋能幾傳絳雲一炬久焦土輞川十畝成閒田
茅亭如山屹不動絕勝廣厦千萬間固知惠政卽世澤天之報
施非偶然居官祇飲福建水構宅豈用江西錢梅花雖無勝國
樹破券猶藏萬歷年卽今吾兄能耐寂日擷寒蔬自飽喫夜夜
書聲徹縣城年年竹筍穿鄰壁手補梅花傍竹籬謂兒休笑種
花遲汝曹守得茅亭在會見寒香最盛時

秉中兄

增莊

葺亭甫畢適有持茅亭圖求售者署云本

芝族祖結茅植梅落成大觴賓客某爲補圖順治七
年姪孫畦化筆墨清超不減石谷惜畦之名不可考
亦見前人具此高手隱而不彰者多也重爲作是篇

吾兄種梅纔兩日忽然梅花開滿亭千株萬株一齊白不許山

色飛來青何人夜半能有力偷負茅亭入香國孫郎畫手色色
殊百年名字無人識想見當時初下筆剝谿藤紙鋪雪色翦水
雙瞳鎮日看陡然落墨驚風疾疏枝屈曲赴腕底巨石谿訝出
胸臆圖成方伯動容觀滿座賓朋爭歎息老成已無九原起破
屋纜容一錐立那知片紙落人間展轉還爲子孫得慢論聲價
值幾錢幸不飛去爲雲煙請與萬歷五年券同作虞山掌故傳

馮仲廉輓辭

瀆酒那禁淚泫然如君五十未華顛才非世用常稱病名恐人
知且學仙青史合歸文苑傳白衣早謝孝廉船十年高隱瓊涇
水不分終須著作傳

蓬山何處海茫茫或有神人養拙鄉應許道書搜玉篋暫留仙
骨寄黃腸覓來紫氣函關道望極金莖帝座旁甚欲相從問閻

闔夜烏唬落一天霜

天真閣集卷七

七

何市謁從祖姑

非子祖姑母相見亦汎瀾有子皆離散無人問燠寒盤餐非市
遠情話易更闌臨別看花約真如爲牡丹家植牡丹甚夥

瀝塘夜泊

小住爲佳耳前途野色迷杏花茅屋外斜日板橋西沙水常含
雪邨醪半帶泥孤舟今夜泊人與鷺鷥栖

舟中懷琴友李味霞

小飲覓佳夢孤舟如許寬不知春月上已過碧松端欹枕水流
急推篷風入寒何因此時意并向曲中彈

花朝舟中書所見是春大水

東風吹動木蘭橈時有疏雲帶雨飄三尺綠波添古渡二分春

色到今朝魚沿高岸吹蘋葉鷺下平畦啄麥苗邨女祇知宜應
節櫻桃花底繫紅綃

語溪

二月陂塘處處通扁舟不辨路西東響遲柔艣溶溶水寒襲輕
裘翦翦風茅屋漸分烟樹裏青山偏活浪花中兒童知我故人
處遙指虹橋喚繫篷

訪味霞不值

昨有相思句擬爲君誦之便愁跨驢去正值放梅時稚子空勞
問鄉鄰或告知歸來應悵惜儻寄故人詩

野梅

溪行曲折忽西東陣陣寒香鼻觀通尋遍邨南與邨北一株橫
臥水當中

五渠

一水圍邨市非船路不通春醪人乳白漁火婦顏紅雙塔浮波
出青山到郭窮正愁行易盡偏是好東風

探梅絕句

仲春將晦與客步於林泉宿雨乍收輕煙未斂繩扉
板屋中老梅一株斜出竹外疏影在澗古香襲衣訝
其舛時歎爲遲莫詢之居人迺云山以北莫之先者
知爲冰雪摧折久矣徘徊撫玩如千里濶絕欣逢故
人其所獲爲何如也

三冬深雪壓疏籬二月春寒遲老梅但使孤高情性在不妨桃
杏一齊開

姍姍仙骨下來遲待得陽和見一枝翻惜頻年易開落幾曾留

到好春時

開遲倍覺耐人看
漠漠輕烟散曉寒
昨夜五更孤枕上
惜花心苦雨聲酸

瞿菊亭孝廉頴投筆圖

剡溪藤紙白雪光
澄泥磨墨浮生香
客來催詩扣門急
抽筆欲落心徬徨
丈夫身如穎處囊
徒以寸管論短長
徑欲棄置若秋籜
上馬力挽雕弓強
燕頷虎頭豈有種
盾鼻揮毫亦神勇
寧使匱官比衛霍
未甘冷局隨南董
展君此畫同我情
相約出門爭請纓
忽然闌筆發狂笑
此計毋乃真書生
方今區宇統萬國
月白龍沙靜烽斥
五服山川入版圖
八荒箋奏來重譯
將軍競病夔題詩
弟子丹青工設色
書生赤手報昇平
舍卻毛錐更何役
三月四月花滿湖
南鄰北鄰相歌呼
與君載酒覓詩去
且作識

天真閣集卷七

七

字耕田夫

蔣文肅花卉冊子

東閣平章椽筆濡丹青
餘事費描樨繡衣
當日蘭臺上只繪窮民十二圖

文肅父伊爲侍御時繪窮民圖十二奏進

樵想圖

拾得枯枝斷澗邊
松陰隨意可安眠
笑他擔子爭挑起
世事何時肯息肩

美人障子

霧鬢風鬟秀絕羣
碧天如水翦羅袿
從中看破離騷旨
只是湘江幾片雲

趙松雪畫馬歌

平原十里靡蕪香
蠻奴短褐控紫繩
錦羈已卸珠勒解
龍馬骨

法非尋常目爲丞相雙電閃春爲將軍五岳強龍驢虎口積雄
健麟腹龜尾森開張五綦九綦文采異七尺八尺腰身長或如
連錢耀金彩或如撒豆生鐵光或如赤兔逐景滅或如紫燕迎
風翔或桃筍斑浴芳澗或碧霞片嘶垂楊或聳駮耳決春水或
迎玉面騰寒霜八馬相皆千里馬罷差越賒來殊方或言卽是
古八駿逸出天廐馳遐荒古有唐公之驢驢抑聞銅雀御始皇
綠螭浮雲屬漢帝玉獅照殿誇蕭梁丁香叱撥進天寶拳毛特
勒收靈昌杜重威之吉祥座景延廣之肉胡牀一齊皆出此馬
下龍精上應天星房駿乎曷不貢廟堂三阜六繫左右廂鳳花
官宇刷小印龍媒上苑開廣場金鈴箇箇綴玉纁紫纓垂垂連
錦纓朝嗽棗脯明紗豆夕林蒼草沙蓬狼節逢千秋陳馬戲部
按五色分鷄行食以三品許自在爵之上將稱龍驥卽云馳驅

天真閣集卷七

七

阻皇路曷不騰躍行康莊章臺楊柳暗夾道南浦杏葉馱輕裝
翩然流星逐綺陌冷然翦水過芳塘胡爲長鳴顧衰草徒事弔
影登平岡旣非烏銜卜壽促又豈的穎防人傷三羸五駕自欵
段七驄八白空軒昂我今爲馬轉慶幸馬其聽我聊徜徉善御
高手無王良善相明眼無孫陽市中三日抄回顧廐下一舞說
不祥鹽車蹭蹬困驥足負棘偃蹇盤羊腸否則羈紲伏寒檻偏
窄何以殊犬羊不如原野且瀟灑玉泉爲飲花爲糧馬聞不嘶
亦不動不對以臆真枯僵一笑始覺馬非馬松雪妙手摹南唐
還君此畫三太息門外蕭蕭駿骨誰收藏

春草

春來何物最先知原上離離易滋幾日落花人去後一番寒
食酒澆時西堂暗助神來句南浦新添恨別辭水國不須紅豆

子芳洲處處是相思

條條翠陌界花邨細踏微行似有痕一笑輸贏由仕女十年離
別怨王孫青袍往事空回首綠鬢流年易斷冤塞上健兒驚碧
色春風吹出玉關門

燒痕一夜又生芽春氣蓬蓬勝似花嬾得剪除高土運巧知回
避宰官家無人脈脈空庭發有恨絲絲遠道遮認得踏青歸路
好裙腰幾曲抱山斜

春愁一片正茫茫綠到天涯襯夕陽放野驂驕初識味出城蝴蝶
早知香千年青冢多生氣三月紅閨最斷腸焉得化工齊變
種只教護草合歡長

題李作落花詩卷

作死後九月其母抱遺詩來見道俗臨歿諄諄求主

天眞閣集卷七

十九

人一言中有落花詞六章情感纏綿寄託深遠故主

之思溢於言外既哀其志將序而刻之先題其首

瓊樹歌殘壁月昏事如春夢已無痕裏尸自畢孤臣志剪紙誰
招萬里冤銷臂蒼鷹先遠颺紅絲歸燕尙知恩山香一曲淒迷
甚舊怨分明短笛論

花夢謠

天空無人起樓閣白玉玲瓏五丁鑿百丈青霞頂上盤一聲鐵
笛橫吹落仙之人兮不可招二十八宿光搖搖花枝委地杳如
夢中有蛺蝶春靄飄古崖嵌空若仙掌坐老青苔土花長東風
忽吹白日西珊瑚擊碎玻璃響

陽春曲

千金買得狐白裘萬金買得關內侯陽春一刻買不得銅山倒

作雪水流美人不來春已去游絲裊娜隨風絮紙錢灰白死復
然夜深吹上冬青樹人生不如朝槿榮今日開落明日生有花
須看看盡飽有酒逕醉莫醒君不見綠楊枝上黃鸝好一對
巖巖話春曉風前能得幾回聽柳條柳條青又青

筠樵三十初度

陳君長安歸未久飲客長安市中酒各罄頻年落月心喜開今
夕銜杯口酒酣拔劍歌嗚嗚自敘天涯客思孤鞞帽塵容謁卿
相笑談豪氣傾屠沽丈夫出門喜結納幾人不負盟車笠滾滾
紅塵路五千蕭蕭青鬢人三十四座聞言各慨然座中惟君最
少年願陪翦燭同心話聊當稱觴祝暇篇君才如此真希見君
遇人生更欲羨琴好敦餘泥拔釵筓詩補就工調膳綺歲誇題
白練裙翩翩詞賦本凌雲下帷方丈曾依佛拔幟園池屢冠軍

天眞閣集卷七

二十

春風走馬章臺陌文中繡虎人中壘畫眉餘筆學丹青脫手新
篇壓元白白門秋柳繫蘭橈幾度攀條舊板橋青眼看人惟北
固碧紗籠句遍南朝翻然北走燕山道回首江南山盡小客舍
爭邀塵尾譚郵亭傳誦牆頭草聲華一月滿金臺轉瞬花黃兩
度槐已博詩名垂宇宙暫因小劫謫蓬萊卽今潦倒歸鄉里滿
篋新詩重行李投轄仍留珠履賓典斟只少銀筆妓便借今宵
酒似灑祝君才筆埒岡陵莫信文章憎命達須知學問與年增
書明成祖拜左善世道衍太子少師救後

金川門開火光起叔父上殿王室燬英雄成敗豈偶然不然亦
是宸濠耳是何異僧目三角敢勸外藩圖不軌後苑喧嘈鷺
聲前門豢養貔貅士一朝簷瓦墮地碎燕王色變道衍喜決策
公然靖難師長驅直薄平安壘孤軍朝敗玉馬河單騎宵奔白

溝水不聞帷幄子房張兼少山人白衣李迎降功合歸景隆戰
死功應推世美卻教髡首冠朝班特敕繡衣易金紫老成已許
列蕭曹輔導還須辟園綺我思成祖亦英主不念貽羞著青史
縱令僂辱盡吾儒乃屑風雲借釋氏當時大統旣傳孫天下民
心皆向彼金匱難寒牀下盟委裘敢奪宮中璽方懼削藩鼯錯
謀忽聞相背崩通指富貴應盟密語時元勳首重陰謀始養子
俱除侍讀官異端竟配高皇祀不數圖澄拜國師何論羅什婚
宮妓慚顏只有詈兄襲卓識更超成議姊此救何人奉詔書在
廷唯諾宣麻紙投筆於地死卽死誰似瑯瑯小韓子

春日卽事

一寸蘭膏一寸灰蝶寬雙宿惱鶯催花非薄命何殊草詩若無
情不算才風雨東皇如夢杳湖山西子少齋開亦知消恨惟春

天眞閣集卷七

三

酒卻欠前生帶量來

神女荒唐巫峽遙雨聲何事送朝朝天憑二月將春作讀去人聲
住江南要福消入幕雙雙新白燕穿城六六小紅橋開門芳草
連波綠認得尋詩路一條

一帶湘簾未上鉤濃雲低壓畫簷頭埽晴孃竟難舒力喚雨鳩
偏不轉喉沈醉自拌推玉倒浮生專慣普花愁開窗暫洗雙脣
碧猶喜青山滿一樓

好友同城幾箇賢扣門來結買山緣眼前邱壑神仙住身後文
章富貴傳分野此間原應斗論才吾輩合生天連牀一夜聽春
雨話到看花盡廢眠

題王文成公自書詩卷後

學人不習武功臣不通儒道學與功業千古判兩途留侯儒者

象武侯王佐模按其平生學究與古聖殊文成擅異稟蚤歲熟
典謨謫官居龍場化俗導蠻區陳編忽啟悟心學求虛無遂開
良知說一空理障拘爲教立三字如聖舉一隅天泉流水活潑
明春風俱一朝主節鉞百萬控貔貆兵制更魚麗神謀發虎符
殲魁首大帽擒賊自象湖九月橫水破正月仲容誅進攻九連
山生縛三泐俘偏裨殊足將巨寇如摧枯遠近驚爲神詎曰書
生懦境內始寧輯藩王生覬覦間謀阻東下深計保南都搗巢
斷其後分翼利其孤邢珣繞賊背文定火燎鬚大舟膠淺水小
舟焚菰蘆功成若譚笑焉用輕剪屠捷書至京師將軍下天禱
欲令故放縱以博王嬪娛奇貨不可得羣小肆詆誣呼名旣謾
詈強射聊抑揄固辭不獲已徐起彎雕弧三發三中之京軍皆
懽呼慷慨非投筆從容勝棄繻此豈尋常人真乃大丈夫勳名

天眞閣集卷七

三

盛鐘鼎文行高瑾瑜或來此蟬撼適比燕爵愚經訓守會孟儒
風埒薛胡雖尊象山陸非詆紫陽朱但求符節合詎貴印板摹
兩賢儻同時學術寧殊趨或疑類禪學習靜同跣跡其實證道
記出自姚江徒千秋仰高山一卷珍明珠字蹟瘦且勁詩味清
而腴繙繹不忍釋慨慕徒增吁何人題卷後乃屬張瑞圖名著
逆案中身辱忠賢奴生祠文瓌瑋褒詔辭芬敷皆出是賊手以
獻上公諛對策尤悖戾聖訓敢齟齬罪止坐落職殺豈足蔽辜
留此狗尾續何異佛頭汗并刀速割去蕩穢煩紅爐

三元堂銀杏樹歌

老樹如人瘦而立迎門鞠躬作長揖密幹橫遮古殿陰枯根半
浸寒池溼下蟠到地幾百丈卻走九原蟄龍蟄上蟠只許一百
尺當頭爲有青天壓夕陽欲落新月來西邊枝送東邊接問君

迎送歷幾回三萬六千塲一霎道士爲我言生年逾九十曾見
青蒼最盛時日月不容光照入每歲秋風葉似山幾番霹靂身
逃劫百年人與樹俱衰自捋長鬢霜肅颯我語道士此海灘前
朝漁艇如雲集繫纜多從此樹根青山尙有潮痕摺當時老樹
不知幾百株此株獨見滄波作城邑世間已無歷劫不死人爲
問此樹何時長枝葉世間更無歷劫不死我看到此樹盤根幾
百匝回顧道士笑不答枝上晚風吹獵獵

紙鷲曲

一綫到天能有幾一隻未高一隻起引得兒童少女心一齊飛
入青雲裏春風靄宿雨晴欲舉未舉誇身輕纔離屋角情如
怯得過樓頭勢漸平吹噓自有長風送助汝凌霄幾收縱出手
猶聞片紙聲入雲已覺纖毫重忽東忽西如將翽忽上忽下如
爭高重來燕子仍絲繫颺去蒼鷹未解絛居然兩翼如開翦到
得天心纔一點便合長從落日歸如何只作飛花颺天風漸急
莫再冲采絲吹斷墮長空糜軀粉骨尋常事未必還歸舊手中

小女

小女顏如玉雪兒銷綳三月學啞啞前生教與之無字抱立春
風若有知

寒食是阿安忌辰

宿草萋萋長墓田不逢寒食已凄然塵生東海方重見痛抱西
河已兩年珍物每經思更好廢材幾見老堪傳從今悟激情魔
障愛汝翻成談汝愆

思子臺空望眼癡慰情弱女當男兒卽論骨肉原同母細認丰
容宛似伊哀到過情翻欲笑事從無理始成奇金環一任含餽

弄纜要分明便可疑

鴻爪何從覓印痕還憑蕪處一招蒐正愁野鬼羣相妬便化飛
仙骨總存藤蔓青春纏樹木黽黽白晝竄松根百年保得孤墳
在只有耶孃沒子孫

愛潔天生不耐腥冷羹殘炙料非馨酒漿滴滴求陰灌楮鏹紛
紛使鬼靈少府定婚誰許合方干追第待幽冥九原若有聲聞
覺分別耶孃語細聽

鮑叔野僧服拈花圖

男兒生不到斗牛奎壁間落想逕欲生西天西天老佛不識字
一手操縱金行權黃金不圖作惡與作善只圖華鬢市上花枝
選金剛努目盡回瞋菩薩低眉忽開眼眼光照定花枝上千百
芳心一齊放隻履都成蓮瓣飛袈裟遍染桃花浪春風搖搖忽

天眞閣集卷七

二四

驚顛陡然飛落丹霞片一口吞鍼也自拌干回祝鉢何曾見簷
蔔生香背後來優曇彈指空中見下方一聲聞霹靂座上微微
笑口拆但須吹氣勝如蘭那貴禪心真似石青帝弄權愚人
一年只許九十回芳辰請將此花分作百千萬億朵一一散與
人間春拘勿頭波頭摩分陀利鬘陀羅任他玉手爭摩抄狂蜂
浪蝶拌死來作花間魔世尊搖手道不可忍使羣生赴湯火能
從好色煉長生萬古荒淫惟有我無情爲名花有情爲美姝入
我手中生出我手中枯槁骸一百八穿作牟尼珠髑髏墮地作
人語當時本是如花女

再題拈花圖

脫卻青衫滌卻塵公然作佛勝齊民託將天女司花意幻出維
摩示疾身天上埋憂偏有地空中好色不傷春只愁一見優曇

影誤殺相思世界人

黃鵠操

嫩吳節母顧夫人也爲孤子吳頊儒作

黃鵠兮鳴宛頸獨宿兮尾畢道君有母兮妾爲子君有孤兮
妾爲父君九原兮誰與爲偶君墳兮一尺高手泮泮兮終歲勞
君墳兮二尺許手輒瘵兮積歲苦累君墳兮三尺從君姑兮尋
君於幽宅朝哺兒兮淳母芽蔽兒兮綈襦兒兮成人兮母已永
徂嗟吁嗟吁兮人而不如烏

遊三峯寺循中峯達秦坡澗攬鵠峯蟹泉諸勝宿白雲

樓作

孟夏草木滋連巖結幽綠林禽候初改隴麥秀未熟孤生疲短
筇冥想入遐矚岡回積層陰寺古鎮修谷賞心撫青苔解帶憩

天真閣集卷七

五

密竹遙見蒼翠中互嶺勢起伏清暉襲人衣遠眺殊未足循蹊
翫迴轉陟澗屢逕復臥石分奔泉鉤藤絕樵躡颺輪出潭心羲
馭駐巖腹極造追青冥微茫辨坤軸林霏夕已成海氣葺更肅
遙遙一運雲先我西峯宿意愜澹歸懷志曠渺衆欲方期松嶽
貞羞與榮利逐默坐觀所尚披衣炳膏燭

泛舟湖中觀諸峯

初日澄明湖浮舟肆容與陰霞豁中川遠樹辨極浦林斷疑無
邨山橫忽迎艣迴波遵折旋列岫互吞吐飛鳥去不息游魚清
可數擊舫發清商蹇裳擷芳杜習習風生和泣泣露零滑撫化
悲盛年接歡懼薄祐景運麗陽澤努力事稽古

蘭澤塞芳圖

幽蘭被芳澤芙蓉媚寒澇油油孝子色采采涉江深紅者爲親

顏白者爲兒心如花力拒霜如草香不淫雖無人爵貴樂不移
千金時發靈運思補以束哲吟儔爲絃此詩聽之聲情惜

贈洞庭山友人

四月蕪香九月柑洞庭風味甲江南從中結箇煙波宅分與萊
妻鬪子甘

洞房絃索響瓏玲常有蛟龍出浪聽爭道美人看黛活飛來七
十二峯青

送春曲

斟丹酒泛霞觴送青帝向炎方落紅萬點爲裹糧雲車直指山
之陽呈皓齒發清商送青帝向西方柳花如絲作輕裝姍姍來
迎其夷光元駒駕卓蓋張送青帝向朔方墨牋上奏天帝旁乞
將忘憂樹高堂離離草宛宛楊送青帝向東方綠陰如幄祖道
長奎邪壁邪帝故鄉帝從四角轉中央金雞兩翼升榑桑照見
蜀山之銅燦燦黃不能買一寸陽春光

天眞閣集卷七

五

天眞閣集卷七終

昭文 孫原湘 子瀟

新綠

一夜飛花都掃卻天教雷雨洗層巖展開碧落心俱淨隔斷紅塵境不凡逝水年華愁綠鬢故園生計感青衫叢叢草色猶春意分付奚童莫浪芟

同遊小石屋和竹橋丈

一逕煙深鳥不譁數聲清磬洗繁華雲歸古洞纔過雨春去空山未落花幡影日高僧放梵松濤風細客煎茶世間何限清閒福偏向紅塵苦寄家

孤蓬篇

節婦黃氏呂陳氏婢媵於張有寵方震不容於陳遣

天真閣集卷八

還及張卒攜其子請歸一視舍殮臥殯所二載陳益逐之急且令逼於母迺託疾絕粒而死

孤蓬生麻側直起何芘芘婦人無貴賤皆得從一終攜孤拜靈牀孤不識阿翁當時出君門猶在母腹中朝飯靈牀西莫臥靈牀東鶴鷗叫屋角蟪蛄啼房櫳誓將以賤軀從君於殯宮阿母入門來謂兒且從容離離春冰泮灼灼桃花紅爲兒擇嘉耦勝似妾媵充長跪語阿母兒命如秋蓬雖在妾媵列所遇猶厄窮皇天厚余毒疾疾加微躬劬羹何醃醇不得饜我胸豆糜何馨香不得入我隴良人在泉下或許賤妾從

剖胸操

邑黃氏女母疾瀕危潛剖心頭肉和藥以進母竟差旣殯於張有士行夫庶母黃被逐於嫡爲之力請得

歸事別載長洲汪孝廉元亮所爲傳

世無良醫坐視母死分身爲用之母視兒兮心頭肉還鸞見肉
分入母腹入母腹兮母疾竟差母疾不差剗見之心兮兒何敢
辭

送伯兄謁選入都

與君爲手足兩載共家鄉又上驪駒去從分鴻雁行臣心應似
水親鬢已如霜先問陳情日須知報國長
家食誠非易飄然去覓官已登從政地莫作爲貧看清節先人
在遺風紹述難但求慈母健長許弟承歡

送邵大虛中

飲我尊中酒酒乾君便行桃花昨夜落春水大江生離別嫌情
重饑寒覺道輕吾兄賴相與不敢勸歸耕

贈江陰蘇丞珽

天眞閣集卷八

少年逸思滿西陵酌酒歌騷一縣丞生負俠腸多感慨老撐詩
骨尙峻嶒不安俗吏知機早每愛奇才折節能三十三峯歸臥
好梅花爲婦月爲朋

靜觀自得樓

山重重樹重重煙濛濛霧濛濛靈機一片貫當中危樓突兀撐
晴空樓中無人惟有我卷簾直對青天坐山外青山縱萬重皆
我目中天所裹豈無幽泉泉不鳴豈無微風風不驚靜中眞氣
一鼓動落花啼鳥皆人情不見山非山樹非樹煙非煙霧非霧
化機無日不自然動中那得知其故

立夏日聞秉中兄訃

不因吾族歎衰微痛失虞山老布衣人與三春同眼盡客來雙

淚帶花飛蒼茫文獻今誰嗣質樸襟情古亦稀只在茅亭竹深處清覓夜夜月明歸

消暑雜詩

竹牀冰簟恣安眠一雨涼生九夏天侵曉奚童報奇事門前新到賣書船

敲門一卷送烏絲便滴荷花露寫詩書罷任人評泊去先生只當自臨池

同子侶赴金陵作

秋塘風細落宮槐葉葉雲帆曙色催一舉豈完吾輩事兩眉須博老親開清時人物難高隱白下江山足逞才準備生花青鏤管題詩同上鳳凰臺

昔夢

天真閣集卷八

鴻爪難尋印雪盟可憐前夢太分明西風欲醒鴛鴦睡荷葉盤中碎雨聲

秦淮燈船曲

秦淮水波滑可喜拍拍雙橈如燕尾臺城年少醉不歸白袷當風坐船裏夕陽初下長板橋新月未透楊柳梢羊燈初安蠟花吐三點四點明星搖東船新翻細腰鼓西船競按涼州譜一派笙歌起兩頭行到中流萬星聚丁字簾前繫桂橈畫屏銀燭正高燒屏間水際光相射紫焰摩空豔不消蓮塘驚起雙棲鴛蓮葉枝枝化青霧乍擬珊瑚東海生不愁金餅西沈去夜靜霜風透夾衣洞簫聲歇眾星稀此時寒女幽窗下一點殘燈尙搗衣

水榭歌

一家湘簾初揭起家家闌干有人倚照水新妝淡未勻夕陽紅

到銀塘裏畫艇西風打漿遲歡來是妾下樓時早防橋外鶯鴻
喜不使門前喜鵲知蘭房曲折迷花路文窗百納深迴護翡翠
巢低架水安鴛鴦社小凌波度黃金纏臂銷纏頭徹夜歡聲不
解愁詩格有誰吟櫺館豔名爭喜學眉樓舊院荒涼珠市閉板
橋零落余懷記只有秦淮水一條尙餘六代鶯花氣蕩子錢拋
水浪圓銅山到此化雲烟有人尙說金閨好一夕能消百萬錢

題隨園壁

白下留袁粲青山傍謝公地形如畫裏天意屬詩翁竹洗三秋
暑花餘六代風雲廊如許借我是古梁鴻

隨園先生招集上下江名士張燈設宴卽事四首

平生逸氣到來收袁粲才名壓九州愛士未嘗忘倒屣見公無
柰自低頭山中事業金魚換海內文章鐵網搜兩扇龍門開蕩

蕩五湖鷗鷺盡來遊

天眞閣集卷八

四

此間原是小蓬瀛談笑春風滿座傾四海人才歸月旦一家文
集早風行秋來對客飛觴健老去看山著屐輕身到天台曾兩
度桃花應亦識先生

江南江北幾豪賢盡在先生杖履前玳瑁牀無分上下瓌瓌屏
自微中邊老人獨冠羣星座名士同徵八月天登李門難登第
易諸公努力事歡筵

水木清華夜氣激酒闌人坐玉壺冰已催火樹花齊發更約瑤
臺月共升四面盡懸端午鏡千枝忽見上元鐙分明絕世文心
變一粟能教化萬層

雨中出水西門

脈脈短長條依依舊板橋如何桃葉渡不繫木蘭橈花氣紫孤

夢江聲走六朝同舟秋思滿况是雨蕭蕭

遊幕府山十二洞登天台洞放歌

環山一十二洞空玲瓏萬古噓噏洪濤中山根煙雲出復沒石
壁搜剔天無功歷十一洞已陡絕遠隔人境惟鳥通陽鳥有腳
走不到一綫畧許窺青空陰房忽疑雷雨集百千蝙蝠撲面飛
隆隆同人到此歎觀止縱有奇境安能窮平生事事落人後只
有鑿險無謙冲天台縹緲挂我眼佳名已足醒疲聾縱無桃花
引人去焉知其上不有玉闕兼瑤宮懸崖撒手暹輕捷竟登絕
頂捫長虹洞蒸山氣轉低溼幽扉靜鎖雲濛濛赤城石梁了無
覩何況風裳霞佩仙妝紅拂衣迎欲下峻阪始覺徑險來時雄
草枯石滑不任趾以尻代足腰如弓下方觀者各股栗一失性
命輕如鴻到地相看笑拍手誇說奇境如衡嵩同時涉險有二
天眞閣集卷六 五

子蕭石室張椒

餘子惛伏如蝨蟻歸途微聞各歎息悔不兩翼

乘長風乃知人生儘有未到境望而不得徒忡忡如聽人說天

台同

九日同翁紫書孝廉咸封子和子偕登大石山房

一房高聳翠螺巒石磴煙蘿手共攀潦倒雄心看落日噴吮瘦
骨傲秋山雲中隱隱寒樵下天外飛飛倦鳥還爲語西風莫吹
帽清溪愁見鬢毛斑

沈思葵先生

輝玉

歲貢生原湘受業師也母夫人張以

節孝著聞先生既上其事于朝得表閭之典復手

次行畧授湘讀之而俾爲之辭曰

黃鵠聲鳴嗚淚盡血以枯婦道自此畢從死何踟躕白髮扶杖
來謂婦且須臾事育爾未了奈何徒殉夫收淚還入廚手自調

甘腴上堂獻姑嫜姑嫜食無餘含淚還入房撫牀泣呱呱不忍
視兒貌兒貌如耶懼大義不得死仰天惟嗟吁上有七旬老下
有三歲孤

兒年日以長家貧日以苦所親入門來勸從維陽賈再拜謝所
親願自持門戶翁欲償宿逋力作一身補兒欲具束脩辛勤十
指取教兒讀孝經教兒讀論語孝經學會閱論語學伊呂耕也
餒無粟學也祿有糶

兒學亦已成母命不再延死本無所戀苟活已廿年既得代姑
命復得見所天彌留執兒手願兒抱陳編汝家葵軒公進士清
白傳字汝曰思葵龜勉紹乃先終身佩母訓節義罔敢捐節義
爲顯揚安用科名焉濡毫寫母節一字一涕漣辭誠動 朝廷
破格旌母賢夫人守節某也列門下作詩壽朱絃是母與是子

千秋視此篇

天眞閣集卷八

六

粥書樂

生不合讀萬卷書三十潦倒樓田廬雖然東書置高閣腹中字
多生蠹魚昨來大醉發狂嘯驚走二十八宿僵蟾蜍却看妻孥
餓屋角蓬首垢面相歔歔急燒枯薪煮字喫饑腸依舊鳴轆轤
抱書出門淚洗面如送好友登前途芸香盡散作銅臭舉家轉
恨爲歡娛飽餐脫粟擁絮睡夢見玉皇召我登雲衢賜我沒字
碑封我詒癡符汝往欽哉毋曠職予有慶爾耕田夫朝來急走
視同學家家破屋聲咿唔天之所福不在此徒自苦耳胡爲乎
胸中但識一丁字明日餓紋隱隱生皮膚

書漢武帝內傳

王九光母桃花面四千餘年容不變青鸞騎上玉皇家墮地還

登天子殿我聞碧桃花三千年作葩更三千年方結子四千年
雖長一度花開耳花開一度一思量暗遣雙鬟郭密香寄語阿
環攜玉女暫來人世看滄桑夫人報札分明說使者先承太清
敕正須暫去去當還還便親來覲顏色我道夫人真誤矣天上
須與世千紀按罷元洲鶴馭來茂陵原上秋風起

與歸館爲百堂子山賦

婁東二蕭子金玉交輝新百里無青山秀氣乃在人魚墩頗清
曠烟樹霏輪囷幽居事稽考怡怡樂天真伯氏才橫軼奴僕命
靈均仲也考鄭學自稱司農臣聲名滿吳下著述期千春三十
不快意頽然兩窮民男兒無錢刀何以行其仁去去爲鸞鳳翱
翔東海濱還念下民咨安能決蒼旻聖賢貴發憤哀樂且置身
鳥獸與同羣松喬胡足論

昭陽赤奮若

天真閣集卷八

七

贈松阿丈

邵公在鄉黨器宇最英特綺歲懷經綸辭翰稱官職志澹羞爲
名言危懼沽直拂衣東海濱策杖南山側形神怡絃歌氣力課
稼穡毋晉前輩型勉爲後生式湘也少不羈讀書務經國偶然
耽嘯詠實恥託翰墨飛騰如得路絕塞無餘力卽分尺寸權能
使凋瘵息一上京兆歸再試南畿抑蹭蹬疲驢塵消沮壯士色
栖栖蓬戶中顧影欲自匿甚感公意厚譽我違衆臆不得孔融
薦尚賴李膺識饑寒稍自信未敢毀脩飾今年公七十鄉里尊
齒德周官重鄉飲正月以禮食古風如再覲公負少師則如謀
賓與介公意其誰克

送子和赴禮部試

十年前事夢蘧蘧
雪北花南共蹇驢
健飲同時中聖酒
衰親終日盼賢書
如君老眼猶曾慰
愧我浮生自覺餘
今日臨歧更何語
各飄清淚滿襟裾

喜晴寓吳門作

庭樹乾風噪晚鴉
茶烟縷縷出輕紗
比隣香熟開缸酒
深巷紅來轉擔花
久雨乍晴如失病
近遊逢月亦思家
春光滿眼無心看
只看天邊一朵霞

阿安墓下作

淺土纔三尺
荒郊已五年
神應遊碧落
骨豈朽黃泉
松柏翠成古
梅花香作仙
兒所愛庭梅亡後樹亦隨槁
慰情添弱女
與汝貌依然

泛舟迎春橋訪竹橋文

兩歇片雲妍
風輕蕩畫船
夕陽紅上塔
春水綠如天
菴畫疑無路
尋詩亦有緣
出牆老楊柳
揖客向門前

天眞閣集卷六

八

內人抄索笑集成戲書其後

疎影橫斜月上時
蘭薰露盞寫烏絲
怪君齒頰生香氣
不讀梅花以外詩

送春

行遍迴廊獨獨尋
天涯何處不傷心
懷人正下縱橫淚
啼鳥猶工宛轉吟
夢境流離空一枕
酒痕狼籍認雙襟
遙知小院花飛後
暗數青梅立樹陰

首夏同人遊石屋

昨與白雲約
待我西山巔
拂衣凌絕磴
翻在飛鳥前
招提隱叢樹
鐘磬流清泉
洞陰氣逾煖
春空花自妍
登樓見滄海
一氣青入天
原野包衆綠
靄靄生人烟
遊目縱所遇
得意因境遷
美人

澹相對松風何冷然請君張玉琴爲我揮素絃

贈趙子梁秀才

同錄

卽題其蘊玉樓

飛絮行雲世態忙街西小杜獨清狂酒因量淺兼仙佛詩到情
深似女郎松雪齋無塵半點蓮花莊在水中央相思一角城南
路夜夜清輝滿屋梁

神仙夫婦愛瓊樓邀我題詩最上頭書校南唐眞寫本茶傾東
武舊藏甌此間花氣清於水何處琴聲脆若秋檻外輒紅塵十
丈晶簾卻下白瀛洲

苦雨詩

皇天復何雨二麥已不熟自春徂中夏日日處幽谷吾吳本水
鄉隄岸賴增築大開吳淞江旱澇備瀉蓄自從海塘淤海身日
以蹙地利人不脩徒仰天愛育東南最窪下吟隰成溝瀆久絕

天眞閣集卷八

九

插蒔想合辛賣黃犢西北稍高旱田泥溼漉漉今日一犁秧明
朝又漂覆轉眼過小暑四境成湍汰饑寒乃吾分但慮官倉穀
在昔乙巳歲赤地遭炎熇低鄉食粥糜高膝轉瘠肉連歲稍有
秋二糴米一斛風俗還其淫元氣未大復又聞大海波千里接
艫舳奸民匿民膏一飽羣盜腹所恃屢豐年籌車滿種稔今如
絕耕種民死迺倍速簷前飛瀑聲聽似四野哭水者狂之徵人
和感時淑天心自仁愛民氣毋怨讎願返金烏光一照逃亡屋

嬉春曲

一聲兩聲鴛鴦語滑千處五處花爭發聞鴛身已化作鴛翩然不
肯離花行看花心已忘卻花但覺花外非吾家性不喜飲卻喜
醉醉呼紅霞蓋爲被夢不見花卻見人美人原是花分身我方
沈沈臥花裏鴛又關關喚我起起來抖擻花滿衣香在衣上不

肯飛一春吟顛顛不了除卻看花卽聽鳥不愁黃金入手空只
愁罵老花不紅耳目聰明天所縱可憐但爲花鳥用聰明不用
亦何爲堂掌白日將西垂義輪鞭春馭可縮塞爾兩聰障爾眼
生辰曲

荷花昨夜開未開妝成笑出珠簾來阿儂那似荷花好恰比荷
花生日蚤郎折荷花供佛前祝儂身似華山蓮儂是荷花郎是
葉障日遮風緊相貼郎爲玉藕儂爲花兩體分明是一家蓮心
內含花萼附似郎辛苦儂所護花惟一心幹一莖似儂身輕郎
所擎郎自采花愛花色儂自願郎采蓮實郎言結實在花中不
采蓮花子不逢儂道采花如不已旣損花容焉得子郎知歡笑
不知愁但折花枝當酒籌妾飲郎盃後天老翻祝花顏似人好
花亦低頭獻碧筩勸儂醉面比芙蓉明朝轉更勤花酌花盡金
頭開灼灼

天眞閣集卷八

十

同心曲

儂心赤如日卿面素如蟾東西本相照只隔一重簾
簾外不分明簾內光如電不得見傾城自得傾城見

七夕飲趙子梁家分韻四首

清淺銀河儼畫圖星如環佩露如珠九霄月老應煩姊一夜天
涯盡望夫拌得經年成曠別留將終古作歡娛不知歲歲諧花
燭添箇童牛小女無

碧空烏鵲羽翛翛隔箇銀灣素手招千古風情如抱柱一彎月
影恰成橋應憐卻扇新原舊無奈何雲莫作朝手織綵絲三百
丈如何繫得住長宵

卷簾黃月一鉤新小院秋光絕勝春花競雙身承雨露人羞孤

影拜星辰家家士女工兒戲世世夫妻笑太真究竟別離誰得
免欲將此恨扣青旻

瓜如繩削果玲瓏定出靈心妙腕中地主喜開清閣天孫羞
傍廣寒宮情絲一縷仙猶縛機械千般世自工我是壯夫兼鈍
漢慢勞神巧助雕蟲

觀荷行

澄湖接河河接田秋水欲浮舟上天遠聞荷香不知處空明一
片玻璃圓延緣蘆葦得異境不是陂塘是畦町清波淪漣半沒
篙日華蕩漾青苗影野樹叢叢繞水隈根株漫沒生莓苔船從
綠枝疎處入鷺鷥見客驚飛回蓮塘朝煙凝漠漠蓮花如星疎
欲落紛紛水草弄輕漪青山倒影東南角花間老叟跂足待指
說殘花莫輕采百頃腴田化作波祇餘十畷蓮塘在昨朝官帖

天眞閣集卷九

十一

忽下鄉官府赫赫來勘荒蓮花采折滿官帖零落一池荷葉香

聞蟬

寂歷虛堂百感并一絲搖曳午風輕綠陰如屋高吟穩仙露爲
糧得氣清短翼去天偏較近浮生與世本無爭隔林聽到聲希
處消盡人間幾不平

一逕碧雲含晚晴涼颺又送兩三聲料應占得最高處究竟知
從何樹鳴屋角夕陽偏不瀉天涯秋思每先驚無求温飽真難
事愧爾餐風吸露情

號國夫人早朝圖

一聲兩聲銀箭竭三點五點明星沒宣陽坊裏少人行馬上蛾
眉天上月寶鈿翠斝金爵裝黃門飛塵鞞紫纒龍樓十二馳道
入六宮粉黛都無光是時千官待金卮無從望見天顏喜怙勢

應同霍女專承恩欲與昭儀比昨宵鏤幄夢離迷睡起驚看照
夜璣朝來誤被君王問不信人間有達奚他年鼙鼓漁陽搥
倉官道啼昏鴉差勝羅衣委梨樹自拌素面凝桃花噫吁噓死
後無人拾羅幘生前猶恨不得作褒姒

東鄰篇續汝南曲也爲趙子梁作

西都賔勿語北里謳莫喧重提南史筆載誦東鄰篇東鄰有孀
女骨像娼且妍晨興理雲鬢日暮貼花鈿按拍調清瑟停歌拂
雅絃芳名豔衢巷巷口諸少年來窺嬌女妝餽以雙玉環上歌
明月珠價值百萬緡羅敷自有婿父命申婚姻父死阿母貧節
義敢自捐蹇脩入門來中攜一藏書謂從婿處至中堂立踟躕
脚踏復脚踏欲語還嚶嚶開緘無一字雙淚落紅裾還君玉鏡
臺返妾繡腰羅羅敷不棄婿婿自棄羅敷冤玉作燕石石割玉

自獻妾心在腹中何由得君見堂堂白日馳耿耿秋燈明兒身
無所屬進退惟母從門前天桃樹花發陽春紅有客比屋居名
與宋玉同體貌既閒冶辭令復從容時時大隄過怒馬青花驄
花間折花人掩映花玲瓏揮鞭不一顧意氣凌長虹東家屋上
月去照西家墻明月既西去無復返照光春風入羅幃妾心空
傍徨託身爲飛花猶得上君堂妾顏日以嬾親年日以莫東水
向西流催人渡江去江水渾復渾不見雙淚痕雙淚落江水東
還過君門君家有老媪知妾念君堅憑君試往問往問臨別言
莫年四月夏三星初在天君家鄰萍閣對妾明月軒軒前浣花
石傍君青梧垣聞君讀書聲朗朗徹行雲石上攀梧枝星光白
紛紛君不覩妾影妾自見君面甚欲通微波自愧身貧賤耿耿
一寸心懷之三年深妾身千金值妾心值萬金千金買身去不

買一寸心宛轉何所寄君壁上琴開君壁上琴翻作東鄰吟
不知妾意苦請聽絃上音

贈陸子固亭山居

空翠落衣襟松風吹滿林人如白雲遠秋與青山深
惠子槁梧據隆中梁甫吟惟應江上鷓知爾歲寒心

九日登北山作

木落原野清隴首浮雲飛高臺一以眺秋色蒼然來孤邨
隱寒煙遠樹帶斜暉猿啼衆山暝雁度空江遲物澹我自
得情疎理無違美人在空谷瑟瑟秋蘿衣

新安胡先生復祖少隴舅松圓詩者來遊吾虞愛此間

山水僑城西種鞠以老一時名公時士慕其高致授
詩如束筍歲久零落胡甥王君性之收得二十五番

天眞閣集卷八

十三

重加潢治來乞詩率題二章以寄柴桑之慕并高王
君渭易之誼焉

明季多布衣松圓乃其一胡生有舅風卜築虞山側朝抱漢陰
甕草種元亮林天地易斜陽一身餘氣力寒花爲幽人挺此傲
霜質桃李羞春華芙蓉抱秋泣惜哉松圓老先以癸未卒不及
見花開同書甲子曰

我亦新安人自曾祖來虞慕彼高隱致訪迹城西隅已忘牆東
字誰表處士廬寒泉莫與薦蔓草徒荒蕪何甥懷舅德遺墨搜
殘餘示我廿五帖一名公書非重名公書中有清節俱開編
蠹粉落滿紙寒香鋪

顧烈婦操

烈婦姓張氏縣之洋塘人適顧景玉景玉病瘵將粥

田以買藥婦曰南陔以膳親也妾罄匱資矣景玉卒
婦自投水拯之復甦俟窳窳畢闔戶雉死距夫歿纔
四日年三十有五

謂迫於貧兮而有田廛廛謂傷於獨兮而遺孤可撫謂敦於
婉兮而年三十有五匪奪志於舅姑兮匪不諒於天親吾顛倒
莫究其故兮而輕殞其身嗟吁此天地之正氣兮鍾於鄉曲之
婦人

吳朱學虛孝廉 魏廉

君字玉書學虛其自號生平積學力行人無知者嘗
爲余言前母死三十年而不克喪兒夢熊養某氏貧
不能偕婦歸以是感然自咎乾隆壬子舉於鄉無以
赴計偕有挾不義啖之者卻之至再辭色俱厲遍貸
于戚友得五十金謂其將備資斧君獨以葬其前母
迎兄嫂以歸于是人爭謂君真孝廉闕一載遽以病
歿年僅二十有六

笑真閣集卷六

十四

學虛爾不孝順親乃棄親老父年七十賴子娛昏晨長兄闇且
弱有弟家克振胡不善自保死不可死身君始諱言疾隱匿館
比鄰創深乃昇歸絕粒已積旬父曰是兒弱廢食恐損神母曰
饑且死藥餌錯雜陳食乃強下咽卻恐親意噴客感襲腴理得
食病益真如倒授賊枋驅敵反入圍醫藥固不良良亦難回春
吁嗟竟死孝死孝非爲仁

學虛爾不廉名者天之寶君起強攫之蒼蒼寧不憫祿汝三百
困棄地若獨桌錫汝百餅金委塵比秋草天不容清貧乃敢逆
富媪逕貪千載名所欲殊不小福汝既不受汝臯宜用討奪汝

祿與命償彼谿壑飽天心實斬名懲勸非顛倒修名實不祥庸
中孰敢矯悠悠者蒼天此理安可曉

賢者多君賢矯矯足千古愚者嗤君愚感感徒自苦譽君君不
聞嗤君君不語堂前悲風生堂下零露滑白髮雙飄蕭青鏡暗
淒楚空悲黔婁婦竟之中郎女廉士不可為徒令為善阻不如
利祿徒斑白效萊舞貪泉釀甘醴躡鼎列肥羜但豐毛義養豈
必伯夷樹令名在天地骨肉竟何補寧為執袴兒勿作孝廉父
哭陳筠樵

臨風玉樹化飛煙香自燒殘火自煎死抱才人愁入地生違慈
母恨終天千秋未定成遺橐一第偏遲過壯年痛極為君生妄
想標名或在大羅仙

儕輩多憐君病軀因聾轉更見其聰讀書每奪前人解笑語能

天眞閣集卷八

十五

從隔座通筆帶離騷三楚氣人誇閒雅六朝風卽今文酒添蕭

索冷雨西窗燭不紅

酒滿春城花滿郊狂歌豪飲海棠巢浪傳温李才名瑀竟折何
劉輩行交醉後能容人倨傲詩成先付我推敲回頭一把酸辛
淚灑向青天桂樹梢簡齋先生論余兩人詩以唐之温李相
比君實爲余舅氏行故三四語及之

無情端不是才人可柰情多身損身我已自驚青鬢改君今早
棄白頭親長安行李空三上短命飛花了一春吹徹山陽清夜
笛人聞天上共霑巾

朱孝廉操

學虛之死余既爲詩以哭之意有未盡更撫其事援

琴而鼓焉

朱孝廉何憤憤家家裏糧上京君今始悔卻縣官餽貸君五萬

錢急借計吏欣然折券去一月無公車意鄰里喧傳朱家娶婦
牽羊擔酒往賀翁媪不受孝廉前致辭阿兄贅婦家久今日備
容車從馬往迎我兄嫂阿嫂入門慙顏嘖嘖爲新婦十年今日
得見舅姑阿兄入門伏地烏烏兄非弟兄非子非丈夫弟乃爲
兄償娶婦連載拜告兄兄勿念弟貧兄念母棺殯三十年中夜
常數數起不得眠今始得貸葬緝往筵宅筵人曰許兄掘四隅
弟南負其土墓碑三尺書行人讀之云是朱孝廉母秋風淒淒
朱家屋上鶴鷗啼翁媪呼兒呼兒淚下如綆糜兄嫂戚戚促促
願以身代當其菑伏枕告父母阿兄能牽車牛阿嫂能操箕帚
勝兒脆弱不能負升斗前母在九原兒往從之代兄報罔極恩

闕逢攝提格

元夕子梁飲我得登蘊玉樓呈屈婉仙夫人

天真閣集卷八

六

逸去姮娥空桂輪沈香許踏步餘塵到來風月雙清地合住神
仙一輩人姑射祇憑梅作屋瀟湘宜與竹爲鄰得參無佛蓮花
座也算靈山悟後身

纔上瑤臺思渺然瓊簾疎影拜飛仙南湘驛客誇同姓東美癡
人說比肩春氣煖和花蕩漾神光清闕月嬋娟歸來三日衣香
滿誤拂雲和第四絃

和子梁雨中見懷

小門深掩綠苔圓聽雨簾櫳愛獨眠二月春光昏似夢一樓山
影黯如烟桃花紅淚思前度芳草青袍惜盛年難得鷗波仙伴
侶娛寒親寫衍波箋

約同人修禊

春波五尺月三分春思如潮夢似雲愁逐醉來酒解衣嫌香

浣待花熏可憐天氣清明節有感人心逸少文輪與鄰娃風格
勝親書蘭簡約前裙

泛舟三橋修禊分得亭字

雙橋十里九回停桺到三橋不斷青隙地儘開花似屋邇邇齊
靠嶂爲屏過船蜂蝶穿牕活上市魚蝦出網腥西北樓高人隱
隱東南風急書冥錢龍張宴圍紅裊酒虎分曹門綠醺偶憩
清波皆落水但依脩竹卽蘭亭右軍落筆顏山嶽左相銜杯吸
解溟綽有六朝裙屐意都忘四座管絃聽詩脾入手牙爭慧解
政隨心語必靈我輩處窮工作達古來常醉勝於醒更番芳信
無虛度細數韶光得半零手采吉祥香草去春衣葉葉是蘭馨

城西酒樓放歌

人生花月不常好眼前得之休草草更遲十載看青山青山應

天真閣集卷八

七

笑吾儕老去年今日雨滿天辰虛度癸丑年今年今日天氣
朗急須料理打雙槳三橋柳色知春深春深一刻千金紫駝
之峯爲我割梨花之酒爲我斟春風入骨似好酒欲醉不醉春
人心十年前曾一醉此同時酒徒有二子張和旣得時陳綺則
死我獨胡爲復爾爾紅日摩空欲下沈楊花作雪欲上簷酒酣
更憶十年事惟有酒痕常在襟男兒墮地若飛絮藩溷簾櫳偶
然遇君不見一高一低雙燕翼一深一淺桃花色明日陰晴不
可知春恨如何醉消得

牡丹

國色疑餐絳雪丹姍姍霞佩落瑤壇人中數到西施豔天下多
從北面看萬綠扶持方得勢百花羞澀盡先殘錦幃卷起春風
老有恨無情獨倚欄

題楊晉梅花卷子

耕烟入室推楊晉山水之餘及寫生帶得荆關飛動勢一枝一
翰也縱橫

不多幾筆看疑羸中有詩情楮墨餘讀到橫斜水清淺始知花
影只宜疎

題扇

月光到地白於雪花氣上天香作雲如此乾坤如此夜不知何
處著塵氛

梅谿茅旦三峽圖卷子

開卷猿聲滿人耳行路之難盡於此何時聳身青天橫掃瞿
唐一千里一波掀騰似山起兩崖嶙峋出江底壁面仰射日月
迴破角俯瞰鼉鼉從行舟穿峽峽穿天百曲千盤爭尺咫舟楫

天眞閣集卷八

十八

一綫越鳥渡一墜雲中判生死行役到此心膽裂畫師顛倒益
自喜奇險更在筆墨外塞乾裂坤半張紙平生嗜奇出至情足
蹟未到夢所經麝香山頭彩雲落魚復浦前銅鼓鳴丈夫遠到
萬里輕奇思力與江山爭卷還巴峽兼天浪門外長江春水生

蓮花勸酒歌

有酒不飲君奈何荷花一一朱顏醜似開笑口來勸酒荷葉便
作金叵羅千枝萬枝淨如拭婀娜天然去雕飾倒影山光不敢
青映波曉日都無色吹來花氣熏詩腸一字未成心已香三十
六觥不引滿花殊笑我非清狂酒半尋花與花語不合天生吾
與汝藕絲情緒太纏綿蓮子清虛太心苦花聞人言若有知一
時齊放同心枝但看春色韶華短已感秋風搖落遲願君盡醉
休歸去夜深只在花間佳月黑纔知香氣通露涼自有紅衣護

榴丹更復向中流中流蓮花過人頭只將荷葉爲明鏡莫使清波照見愁

集飲李家池上

花四圍酒中央主賓無言各盡觴一池花一壘酒花到手時酒到口花枝易落落復開酒香易竭竭更酷惟有人生不常好對酒看花休草草當時酒徒陳雉與王雲酣嬉顛倒醉百場鮑家季子虧獨後出吞海意氣非尋常造物忌才尤忌狂兩爲異物一異鄉不畏饑驅不怖死吾輩吟頌復如此頻年荒歉皆由天斗米幾及五百錢花枝縱好無酒筵有酒亦無諸少年卻憶豐年恣揮霍酒滿鄉邨米填郭人與飛花一樣顛春風扶上城西閣前遊歷歷怕思量欲歸不歸且一觴道上相逢少年客不是當時舊酒狂

天真閣集卷六

十九

吳硯史侍詔

秦階

袁筠亭學博

斯麟

蔣瘦吟上舍

繼燭

招同竹橋丈以下十一人供花設醴爲消暑之會卽

席放歌

門外紅塵三十丈門內蓮花三百盞名士心如古佛心只受人間花供養主人愛客客盡來客愛看花花盡開花光團作雲五色此屋便是真蓬萊花不在奇不在幻無一雷同耐人看祇覺清風透體香不知花氣霧人汗一客一几行一觴一十四座分兩行花知人意卻在酒一瓣飛入杯中藏請君自奪杯中彩花在杯中久相待一擲不得一大白第十四杯花宛在衆賓陶然主灑然請以拇戰終此筵自慙小戶難應敵聊向壁上張空拳須臾安上銀鐙白滿堂盡作頗瓌色賓主相看醉似泥只有花枝醒時識當筵起舞花亂飛花聞酒氣霧人衣勸人更盡一杯

酒明日花顏恐已非我感花情添懊惱三十年華尙潦倒要待
功成始拂衣只恐花枝笑人老人生難得是閒身故里新知情
更親此身一入長安道不是看花飲酒人

蘭花

玉鮎偏開暑月中小窗相對雪玲瓏
君縱有真香色輸與荷
花十里紅

空谷休誇竟體芳近來閨閣愛時妝
水晶簾下盤龍髻只插珠
蘭茉莉香

有贈

清夢太紛紛蓮花疑是君一天秋在水萬綠曉爲雲
畫楫愁難渡簫聲不可聞
相思與明月流照大江濱

我思

天眞閣集卷八

三

離君纔十日無夢得離君明月都成水
梅花半是雲潮痕思鏡影
蘭氣想衣熏願化雙蝴蝶分飛六幅裙

姪婦謝氏歸自清風涇饋雪瓜廿枚

吾家有道蘊能詠白雪香歸來及瓜期
載瓜盈輕航貽我二十枚
結束兩布囊大者狀若髧細瑣尤尋常
燈前競傳看任手輕低昂
小女急索解脰聲裂篔簹
嗤嗤棄之走雪白顏無光
主人苦吻渴一嚮聊取嘗
入口若無物但覺津液澆
過喉始知妙化作冰雪腸
餘甘回齒頰六月曠山霜
又如哀家梨渣滓都已忘
上環噉肉盡皮膜猶甘芳
一枚意未愜妻孥睨其旁
更抱兩枚進舉座爭截肪
須臾空几案餘者紛拏藏
別索他種繼火齊舍丹房
食之非不甘嚙液須遺瓢
求甘不求鮮何似食蔗齰
得此凡品奪勝噉雲英
漿飽噉暑疾愈願天炎
無涼急須饋親弗恐

抱荆璞傷皮相失佳士俗弊能勿防請爲曹邱生先導以短章

離騷一種舊根苗湘水湘雲綠共搖認取春風雙影子不聞花氣也寬消

七夕詞

羣山萬壑墨雲遮大樹摧枯小樹斜我愛虛堂涼似水江鄉愁殺木棉花

試硯齋

主人愛硯如愛客硯與主人分半席温然入手煖如春終日摩挲不能釋石骨雖剛柔在理喻屢觸之無不靡抱來紫玉欲成煙浴罷昭儀那濡水貯以綠天炙以芸硯亦漏躍爲策勛乃知物必聚所好馮煖所以歸田文

天真閣集卷八

三

白玉環歌

白玉碾作環宛轉同心結願得兩條心纏繆無斷絕一解將環比明月明月不常圓將環比明鏡明鏡無雙連二解郎比玉情温儂比玉光潔潔非悅世姿温豈因人熱三解搥玉作半環爲郎繫銷縑搥環作玉屑與郎和金膏四解某年月日時毀者玉之命百千萬億秋不毀玉之性五解精神還洪爐英華挺山川天長復地久依舊雙玉環六解

小遊仙

彩雲飛過石無痕亂積桃花礙洞門不道玉妃幽閉久聽人小謫也消寬

金闕西廂鎖玉屏自將秀色療朝饑冲霄那用真僊骨舐着劉

安藥便飛

黃書捧出紫宸班，軋龍車下九關。卻喜瑤宮諸女伴，更無一箇到人間。

生長蓬山腳，下居何曾禁籙事。清虛閒來自喫桃花飽，冷笑先生讀道書。

脫籍天魔入道遲，一篇真誥讀支離。偶來偷看人間字，開卷之無便詫奇。

海上神山數點塵，飛僊驚避入青旻。三千配合童男女，從此瀛洲畫俗人。

哭陳石泉

去歲學虛死，今年喪石泉。皇天不佑善，所失必其賢。共有衰親在，誰將獨行傳。明年莫秋節，宿草又淒然。

少日耽遊俠，朱家郭解風。雙鉤秋水劍，五石鐵胎弓。天地身何

天真閣集卷八

三

補妻孥慮已空，年來道書讀智計。轉沈雄

市亦有奇士，聊爲服賈勞。但能供結客，不屑計秋豪。一笑空諸券，千金付汝曹。男兒何不可齷齪，是錢刀。

家業飄零盡，蕭然且學仙。言尋大禹穴，直闕洞中天。書竊靈威寶，花探玉井蓮。葛陂龍化去，遺蛻自千年。

學劍終休矣，神仙不可期。蒼生能汝活，黃帝是吾師。瀟灑煙霞理，艱難菽水資。由來黃叔度，世業在牛醫。

家在魚鹽裏，而如在遠林。腥風吹市口，蘭氣出君心。滄海珠仍耀，中天月不沈。紛紛高隱輩，徒計買山深。

我師君道義，君愛我文章。江漢雙流合，芝蘭一氣香。丹燒隱湖月，嘯落劔門霜。從此瑤琴碎，春風莫再狂。

昨過君家裏，空堂聽帳飄。青燈一棺漆，白髮兩行潮。蘿帶吹山

鬼松風作大招腰間季札劍閉久鐵花銷

玉峯寒夜與百堂子山

霜肅晴皋夜氣醒西風吹我片雲停一燈紅豆花如笑對語青
天月可聽葉影蕭疎病木雁聲淒緊下寒汀與君人海茫茫
立細數遙空幾箇星

送竈詞

竈君今日朝天去愧乏黃羊作餞筵白酒上供煩老婦紅燈相
迎待新年荒城米粟偏如土寒士文章不值錢那用塗糟醉司
命此生無事敢瞞天

海馬樂府

兒代死

哀虞孝子宗濟也附見明史二百九十六卷孝義周

天真閣集卷八

璇傳

黃巖孝子親戍邊廣濟義民兄不全挺身代死不曰代人則自
完首自碎徭役至重民命輕敢以一死易二生有兄事父兒事
祖求仁得仁復何苦

禦燕議

蹇黃給事鉞也傳見明史一百四十三卷

俊不俊鐵甕城高守誰任善徒善兵至江南禦已晚幕中兩言
實要圖惜哉正學忠有餘國門開里門閉召者來行者斃死難
死溺同此身不以名節累所親當時慷慨幕中容十族一區同
白骨

鬼嘯壁

閻蔣御史欽也傳見明史一百八十八卷

人處明鬼處暗人有禍幾鬼先瞰鬼處暗人處明鬼惟求食人求仁願與龍逢比干遊地下不願與賊並世生緘默負國卽負親生知爲孝爲忠臣疏草屬鬼夜哭閣筆思聲益悲奮筆疾書死卽死四壁鬼聲寂然止

臣易言

嘉陳侍御察也傳見明史二百三卷

錦衣小兒大獄掀臣察不言臣言言能指佞指不朽叶臣軀不如言一指願以不賢易賢死帝目察光若炬衆目帝色如土臣察不知昧死語歸家擗管自補牘請以一指爲言續

尙湖門

傷錢參政泮也附見明史二百九十卷忠義王鉄傳

父骨賊火殺賊不可生不殺賊死尙湖水一區不能洗我恥賢

天真閣集卷八

五

縣尹憤民命賢孝子憤親櫬耆長數人艇數十明月刀光同一色身被數鎗殺三賊我自報親尹報國噫噓欲內賊柄用外賊焚東南倭寇徒紛紛皂林更有宗將軍宗禮亦帝熟人官遊擊從阮鶚擊徐海戰死皂

林贈都督同知諡忠壯明史胡宗憲傳

腊漬肉

詠趙侍郎用賢也傳見明史二百二十九卷

一疏六十杖敗肉落如掌趙家塊肉作家教匪以示忠實示孝相公去留誠可商國危主少關存亡大臣知爲社稷計小臣祇識綱常字君不見墨纓司馬黃扉升當時藉口張江陵趙家祖武孫能繩

嶽生芝

悼顧副使大章也傳見明史二百四十四卷

鎮撫獄中德星萃黃芝奕奕應其瑞一人一瓣苗六瓣畢六
人集五人慘死一人在急移法司正其罪爰書之定在一身敢
以自誣誣五人此身已辦一死久不可更落獄卒手嗟哉芝生
獄中胡不化作指佞草直指茄花滿地紅

桂林守

哭瞿留守式耜也傳見明史二百八十卷

桂林城高全粵首王不能守臣請守臣下泣臣實願王死社稷
王下泣王始知臣守城力榕江失成嚴關通城中蕩蕩如天空
守臣頸血濺守士去此一步無死所正氣化作空中雷天亦爲
公淚如雨桂林守守不得內有五虎伺君側外十三鎮爭爲賊
以守責守豈守責臣惟一死自報國烏虜有明一代二百七十
年留守一死全局完桂林高向高不可攀一峯獨秀如匡山

天真閣集卷八

五

自題第一情天閣

獨立此樓上情天一笑空千春流水裏萬象落花中夢與星辰
會情如河漢通相思無日夜和月轉鴻濛

除夕獨往招真治尋梅

六街人語似春雷行蟻游魚逐隊飛世上清閒偏有對一詩人
與一寒梅

昭文 孫原湘 子瀟

詩九

旃蒙單闕

新年雪

一夜寂無聲梅花飛滿城不因簾自卷祇道月猶明遠岫憑欄
失重裘著體輕新年是殘臘六出兆豐盈

元夕立春

東風昨夜破空來已見枝頭數點梅明月乍逢三五滿寒雲先
撥九重開金吾鐵鎖原無禁銅史銀壺莫漫催海宇昇平山郭
靜且憑歡醉上春臺

詢竹橋丈病

新年古木集鴉多繞屋烟雲護綠蘿想以高情厭塵俗故畱小

天真閣集卷九

疾養天和巷逢馬炭鳴騶返門謝侯芭載酒過我是拈花大迦
葉可容相見病維摩

古意

子由天邊月皆爲我所思一輪今在望雙影竟何時碧落翻成
近黃昏不可期惟應兩無寐共此露華滋

西嶺

直上西南峯峯高雲萬重梅花三百樹一樹一雲封孤雀杳然
夢飛仙何處蹤空扶綠玉杖凍立碧芙蓉

洋燈

初春翦新鐙巧製法殊域團楮作胚胎抱素謝綉飾周旁肖儀
渾洞下許管測然明蠟鎔彌隙銅虹塞泡張腹轉虛珠圓孕
不副炎威鼓洪鈞元氣包太極拋擲毬爭能吹噓扇展力隨風

倏上騰訝日未西匿燄燄從空摩輝輝漸天逼紛馳赤電橫急
縱晴霓直渡漢玉繩繫掩月簷諸蝕四遊追解銜三舍退熒惑
頽頽下上中粲錯百千億浮屠安莫牢危檣蠹可即叢木蔽忽
虧樓臺閃微黑聳觀雲中迷遠矚野際得微爭漁火明小奪鬼
燐色流輝宿霧穿落勢迴颺勒紙鳶斷長緹彩鳳鮮雙翼不懸
華屋閒或墮茅檐側曲突徙不防燎原焰難熄金吾縱無禁司
烜寧勿飭燈火自繁華吾儕安悃悃讀易守蓬廬青藜照簷杙

野泛

烟渚瀾瀾擢入深數聲伊軋日西沈浮雲不定陰晴色飛鳥方
縈去住心寒潦何時空四野春燈此夕費千金詩人獨赴梅花
約幾點疏香出遠林

長子

文初

與錢生

鼎元

蔣生

懷坦

張生

定球

約爲昆弟

天其閣集卷九

二

四人者年相若志趣相得命畫工貌爲異苔同岑圖
以示慕悅之致錢蔣皆受經於余而張又余甥也來
請題因各進而教之

錢生如嬰垣白虹燭踰次雖經土花蝕不揜夜光異芝蘭鍾謝
庭託根得初地蕪穢不早治蕭艾雜階砌性資本清純讀書頗
彊記男兒抱遺經匪徒爲高第富貴苟失身祖德自茲替升沈
亦何常所貴忘我氣黃鵠萬里遊伏處戢其翅

鳳鷄而五色天性非尋常將生英玉姿奕奕若華光渥注無凡
骨鬱林多奇芳美才忌輕炫志動神必揚思爲昆吾劍須鍊純
青鋼屈伸能自主所入乃不傷汝家莘田公惠澤衍四方子孫
紹先業勿但侈金張大文爲犧牲至德爲膏粱饜飫捐衆欲世

道真糶糠

舊與子和交道義相規勸賢甥與吾兒毋徒事微逐吹氣若崇
蘭雙花互芬馥崇蘭惡無實相將藝菽粟與爲豐年珠寧爲儉
年穀美玖遺沙塵識者自知玉嬈母衣錦衣姍笑起親屬聖賢
處艱貞天人抱幽獨紛紛青史中豈足定榮辱

築牆勿厚磚驅牛勿長鞭力能勤耘籽瘠土皆腴田兒生少貧
賤頗受祖母憐從來膏粱體筋力恐不堅珊瑚阻洪波夜光潛
深淵英雄不憂患何以成聖賢汝性實中下努力抱陳編時來
盡人性運衰全吾天

登山需躡屨爲仁需結侶青松且說柏獨學其誰與四子相結
交握手出肝腑升沈各有命大道無出處不見園中葵不見田
中黍同晦豈異穎拔茅必連茹墮地爲男兒於世竟何補采采
瓊瑤華夫何飢季女不扶而自植吾尤望爾汝

早春雜興

是歲閏二月

天眞閣集卷九

三

撥遣閒愁仗酒卮醉來愁更倍醒時詩情半爲春陰減花事多
因歲閏遲頻答素箋消宿債豫翻黃歷看行期故園已是生惆
悵芳草那堪促別離

梅花明月大羅天是我家鄉夢宛然成佛肯居靈運後爭名愧
在照鄰前黃金只有春難買青史誰云賤可傳閒對浮雲成一
笑東風無力爲吹穿

迴廊曲徑自徘徊觸觸閒情未死灰性爲不淫能好色生緣無
福始多才春潮別浦從消長夜月空庭任去來偏是最關心事
處箇人樓外好花開

二月春痕透碧紗柳條金嬈罨簷牙石知愛好還生翠池有深
綠恰受花破屋數間韓子慕小園一賦庾郎誇天公似妬江南

福不許詩人老住家

得梅花消息

燈事闌珊社有期
昭明臺下酒人稀
輕陰二月晝猶短
殘雪一城寒
漸微是處相逢休
草草當年別夢尙
依依定知開到三分
準蝴蝶幾雙高下飛

酒籌歌

此日不飲春漸深
美人捧籌來典斟
碧瑜之筒綠玉片
上刻奇字排森森
或教藏鉤或戰拇
或令射覆或賭吟
鶴紅犀白無不有
耐嬉百態何漓淋
酒半持籌忽獻歛
天生美材半閒置
不運奇謀勒鼎勳
卻傳小令司觥事
此籌若與張子房
幄中借箸扶高皇
此籌若與檀道濟
軍中量沙制元魏
最下亦爲蓮箭材
雞人一唱聞闔閭
勝如金迷紙醉處
消磨白日供尊疊
忽而持籌發大祭
與爲齷齪寧閒散
若令置之玉戎家
兩手銅臭來紛拏
不幸更入李老手
雙陸局邊儻諸醜
等乎幸與我輩親
但供飲酒消青春
莫辭更酌十二巡
不聞銅壺滴滴將
向晨轉頭花朝又
春半有籌更爲花
添算

天真閣集卷九

四

比花篇

欲開未開花若烟
三十四春人妍將
花比人人不可儂
不如花只如朵將
人比花花帶慙態
如其活無其憨人
從花中拂花過
蝴蝶飛來花上坐
花不能言人有言
花中消息須人傳
花今有信人無信
人不如花心有定
人有心分花有心
花心那似人心
深金烏燒得青天
熱百萬芳心一齊
拆

同人約爲鄧尉之遊
不果乃選花朝攜榼
擔酒至招真

治醪梅畢買小牒
載素心蘭艤三橋
下爲百花飲福

醉後放歌

鄧尉山頭梅笑人騎驢只繞虞山足招真治中梅笑人舍却眼前空望蜀胸中橫着兩玉虬忽聞翠羽聲啾啾但教俗事不挂眼人閒何處非羅浮風吹滿城春酒香春雲盡學春人忙吳姬捧觴爲君壽一百二十春光長我持一杯先壽梅梅花盡我頗黎盃壽梅須從老梅起其餘紛紛盡孫子爲問花前酌酒人那得如花長不死花顏若醉若有知諸君富貴自覓之但能結實似錢大醯醢會有調羹時勿徒效我作酸態道旁見者多皺眉人聞花言拜花德旁有幽蘭作妬色諸公不識素心人我亦今朝是生日洗瑤觴煖桂醕不能待君洞庭之南瀟湘之浦三橋烟水深復深暫借青山一延行若論花朝載酒來青山是賓花是主若論輕舟傍水濱青山是主花是賓山即花即一齊笑焉

天真閣集卷九

五

用賓主論紛紛遙酌春風一杯酒吹我客顏駐春久花前長作少年人千古無茲真不朽富貴不足樂貧賤奚足愁君不見五侯七貴勢炙手至今蓬蒿壘土一邱剪花旛繫花采呼童擊鼓催蓓蕾諸公喚我我不知安覓已落香雪海

百花曲

春風吹客上高臺遙勸花枝酒一杯醉裏忽聞花歎息只同生日不同開

桃花含情李花笑泥中藕絲獨抱愁諸公如有見憐意儂自生辰在後頭

趙子梁索和花朝詞

小閣輕烟籠翠綃春來不隔哈條條百花歡喜同生日萬事思量又昨朝轉眼綠陰如水至關心紅燭有風搖闌干一角無人

地芳草青青自長苗

送人赴禮部試時余亦將北行

同辦輕裘各放船不多時別也淒然諸君得意看花日是我離
情折柳天燕翼漫分高下影馬蹄只判後先鞭玉壺好買燒春
酒相約長安市上眠

乙卯中春四日有女子扣門來年二十許荆釵練裙光

豔四照自言南海拜佛回隨佛光所指至此見君家
雙樹五色雲作瓔珞狀當有見女人身而吐妙蓮花
舌者因令遍相家人指內子曰是也前生爲富樓那
與二比丘說法譬葡萄林聞蘭花香有觸而得今相佛
法無語言文字今以綺語刻畫萬象如天際飛霞水
中凝雪多此一念恐他生轉入仙人劫中不復歸嵐
毗尼也隨一女奴攜紫竹二爲人推休咎殊驗臨行
留一偈曰紫竹生竹林踏破鐵鞵尋虛心卽是佛是
佛本無心其聲類魏塘東泐開雖言語詭誕要亦奇
矣

天真閣集卷九

六

巾帔飄揚出水蓮市頭遊戲號神仙翠角白咽桃花頰韓愈詩
中謝自然

戲語拈花見在身不妨香茗鬥清新他生小墮龍華劫尙是雙
成一輩人

閨花朝用前韻

翠樓喜翳百紅綃齊把新條換舊條玉瑄尙遲三月節金尊休
負兩花朝頻看果楹鮮枝獻細認桐陰小葉搖及覆冬郎悽斷
句情田無那又生苗

閒懷

吳雲楚水恨無窮都在悽悽掩卷中寒食時光雙燕雨賣餚門巷一簫風雉情芳草誰家綠得意桃花幾日紅小閣鉤簾看不厭青山只與去年同

春日雜詩

小屏門角畫闌東淡淡梨花淺夢中欲說生平無限事一簾飛絮又東風

小雨愔愔細若塵禁烟時節薄寒辰天公不信桃花豔要洗燕脂看箇真

喜隨園先生至

一櫂下江城仙雲擁權迎梅花爲地主天女盡門生行卷人傳熟遊蹤竹記清知公也應喜重見錦峯明

全真閣集卷九

七

春盡日飲鄰浮閣

綠樹陰中鷓鴣飛芳筵促坐太依依三生握手交情重九熟驚心節物肥花影尚搖殘夜燭酒痕還認隔年衣憐余將作天涯客翫羨東君緩緩歸

莫愁湖櫂歌

莫愁湖水鏡光鋪莫愁艇子小如鳧儂會推篷郎打槳而今真是莫愁湖

郎住湖頭楊柳陰儂住湖梢蓮葉深清涼山上月光起兩頭蕩槳到湖心

打魚莫出湖西頭江上魚肥莫下鉤船到江心收不住白浪如山愁不愁

瓜皮小艇太蘭橈年年趕熟淮清橋今番繫纜石城口纔覺青

山似六朝

玳瑁梁高起畫樓樓窗掛珊瑚鈎登樓細數南朝事不及盧家有莫愁

前朝有箇武寧王子孫世世管漁莊昨日販鮮到城郭含愁怕過大功坊

阿閣三層丹碧新中山遺像莫愁真門前一片烟波水半屬英雄半美人

不向西湖唱采蓮不羨石湖孃子船翻出莫愁新樂府
乾隆皇帝太平年

入都韻別

輕裘打點終年服半是慈親手自裁恰喜六旬猶老健頻催千里莫徘徊秋風或報佳音捷生日應添笑口開得固欣然失亦

喜從容負米定歸來

母誼曰在九月望

從來路近說長安往復雙魚達不難書莫經年忘却曬詩須按月寄來看深知聲戶持非易猶喜荆釵典未完祇恐深閨太岑寂故教新婦爲承歡

一月前爲大兒成婚

四月池塘春草長紫荊花下盡行觴長空去鳥寧無路故國飛鴻自有行天下莫如兄弟好人生偏是別離忙黑貂裘與黃金

幣重潤蕭蕭季子裝

兄弟各有裘金之贈

爲汝匆匆賦感婚居然桃李爛盈門稱翁尙覺慚聽婦娛母先期要得孫書課莫忘教弟妹慈闈須代定晨昏家風敢望兒如

衛且免人呼作大豚

綠陰千里噪栖鴉四月南風上水查好友豫先期後會詩人偏是愛天涯合離始覺文章妙灑脫須知繫戀差看得故園花事

畢搖鞭去看上林花

寶應道中作

我船西北行風亦西北去船頭水聲飛船尾舟子踞布帆若健
僕猛方向前赴月亮如銀燈適導我先路五里一轉睫十里一
斜顧纔看瓜步山已見淮南樹人生快意事往往意外遇猶恐
快意多拂意卽慈富來船艙聲遲遙語朝且妬昨乘北風來黃
河亦飛渡

舟中雜書遣興

少年不自知家庭樂空擲閨中顏方紅堂上髮未白湖山八九
處健足恣遊適好友三兩人素心快晨夕苦爲微名驅妄意求
通籍舍卻枕席安而就車馬役或遂掇巍科青霄縱飛翮朝趨
金馬門莫使皇華驛還望故鄉雲渺若仙境隔或坐磨蝎宮滄

天真閣集卷九

九

海終點額南北如織機東西若置弈老大竟無成筋衰不堪策
歸家見妻子顏比黃花瘠上堂見老親髮被秋霜易出門相識
稀登山足跛蹙回首廿年前佳日殊可惜欲勸家居人守爾五
晦宅欲勸行役人迴爾千里輒并勸宦海中收帆作歸船詩成
還自笑身是遠行客

守牖

一牖守三日前途殊渺漫候蟲催暝色去鳥入愁看鄉夢重關
隔河聲五月寒閨中小兒女應計到長安

三牖聽雨

檣烏偏鬥北風鳴淅瀝篷牕不肯晴淮甸東南橫海氣河流日
夜轉雷聲新愁又減三分帶宿疾難除一字情歧舸舵樓閒聽
雨何如歸去臥蓬衡

寄壽隨園先生

先生八十索新詩搖筆多愁是舊詞我有未經人道語展禽曾
點是公師

不持齋戒不逃禪老去風情似少年掃盡佛經千萬字單存兩
字是因緣

八十翁攜十八兒恰將生日卜婚期掃眉才子爲新婦不作羹
湯作壽詩

白髮齊眉老葛洪聰明福慧滿堂中殘牙喫罷孫湯餅再喫瓊
林餅飲紅

中途遘病觸暑歸里支離莞簟者四十餘日病起有作
只合湖山老寄家行雲何苦向天涯退飛竟作回風鷁進步原
知上水查未許天香分桂樹枉教春色負梅花滄波擬踏紅蓮

去還倚扶桑看海霞

天真閣集卷九

十

子梁不赴省試詩以嘲之

大婦含嬌小婦清侍兒猶是董雙成百花圍繞原闢福一種才
華別有情但使秦樓同寫韻那消金榜更題名人閒不少流傳
賦卻恐君王問長卿

隨園燈宴歌

隨園先生飲客酒可惜當頭月無有先生勸客且莫嗟頃刻有
月兼有花文心之明明如九華燈影懸高臺文心之靈靈如玻
瓈鏡子無纖埃先生靈明更奇縱直并兩物爲一用鏡四圍燈
當中金蓮開入菱花叢燈高然鏡反照天上月臨水中妙以燈
作月鏡作花花生奇光月有華以燈爲花鏡爲月步竟開齊月
無闕一鏡收盡一屋燈一燈能使鏡鏡留其形橫看乍疑燈在

鏡中走側視又覺鏡外燈層層忽然佇立直看去貝闕瑤宮深
有路其中大鏡小鏡鏡中各有春花秋月紛無數翩然而來者
何人諦視招我卽我身此時我亦化作百千萬億我一一俱在
鏡裏看珠輪酒香徐來燈花怒開先生飛我一巨杯陶然玉山
竟已頽圓外行人目光眩但見圓中祥雲五色文星見

秦淮水榭卽事

何苦秦淮柳長條復短條每逢秋水至便折大隄腰花氣如三
月山光自六朝誰家妝閣底宛轉一枝簫

太倉王秀才

寶臣

蕭百堂高弟也去年來虞於余獨見

傾倒今聞溘逝詩以哭之

白下忽聞王子訃陡然淚落去年秋最憐見我傾心服尙想同
君把臂遊到老聰明能幾輩他生福慧要兼脩經旬聚首情如

天眞閣集卷五

十一

此那怪蕭郎易白頭

題號舍壁

簷牙低礙碧雲流欲揭重簾不待鉤任爾才如天上客到來也
要一低頭

蓮漏驚回客夢涼輕簾猶卷一天霜洞房爲有梅花帳那得玲
瓏月滿床

觀楓小石屋

疑有桃花入寺來紅霞一片裏山隈空澗水淨天光落古洞秋
晴石勢開衣上白雲常欲雨眼中滄海只如杯疏林日莫清颺
起無數丹黃蝶送回

同人漉酒煮蟹泛飲西郭

有客歸舟自洛陽輕檣遲我泛晴光孤雲千里帶鴻到雙手一

秋因蟹忙旁若無人吾眼白似曾相識此花黃清時共喜閒身
在更爲丹楓各盡觴

後遊仙示凌客百堂子山

飛渡銀河萬頃秋一層波涌一層樓玉梯走到三千級還有微
雲在上頭

吹氣如蘭雪作膚桃花撒手盡紅珠到郎早是覓消甚那眼丹
臺聘鮑姑

靈珪法曲太紛紛震蕩仙人駕鶴雲下有秦簫雙管裂諸天應
是不曾聞

楓林

清霜亂灑繡屏風返照銜山一倍紅隱士文章偏徇爛美人掩
映更玲瓏詩尋仄徑微茫裏秋在寒波澹蕩中欲喚大癡留粉

天真閣集卷九

十二

本畫工那得似天工

過鄰洋閣婉僊夫人以梅花玫瑰珠蘭木犀佛手點茶
隨園先生錫名五花露卽事成詠

維摩渴坐四禪天玉盃擎來露液鮮果是兼全香色味祇宜供
養佛神仙不辭起舞風生腋那顧催歸月滿肩天女果然才似
海教人枯吻盡生蓮

錫山道中

梁谿谿水識愁顏小艇如鳥數往還富歲未知窮士樂中年能
得幾人閒寒塘綠盡疑無路遠樹紅深定有灣十月東南風大
好片帆飛過九龍山

總宜山房贈趙處士

同漚

開門面一峯亂插碧芙蓉野飯寒泉潔秋衣石翠濃松聲半天

月花氣五更鐘瑤草如堪拾相期共駐容

賣饑兒

宜興葉孝子賣饑爲生母病鬻垂死孝子禱于神夜

夢神語惟剖心可治孝子遽覓刀自割痛絕殞地邑

令阮昉巖先生升基按驗七人者四十無點血踰父

孝子忽甦母疾亦竟差此乾隆五十九年事明年余

出先生門先生爲余述之事甚奇行實庸也爲之彈

琴而歌

賣饑兒蠢且癡母老病噎不可治泣告社公涕漣而恍惚夢神
語醫母卽用汝心欲活母心卽藥急起覓刀向心斫鄰里喧傳
剖心子縣官聞報來相視血無寸縷面如紙神明佑兒兒不死
兒不死兒心恨不得取心恨刀鈍格格入胸纔四寸兒心未出

天眞閣集卷九

七三

母病差匪神佑母實佑兒神言聃以試心迹豈眞人心可以當
肉芝或言賣饑兒果欲活母當求醫奈何猝以身殉之非蒼蒼
者默相報先母而死眞不孝古來忠臣孝子祇一意成敗利鈍
非所計剖心何補國步亡比千不及廉來智不見賣饑兒蠢且
癡

汪澣雲進士梅鼎博學工書以予故籍與君同隸新安

寫雲溪山水見贈作歌奉報

澣雲妙手奪化工割取一角香鑪峯陡然瘦插清溪中投我几
上雲濛濛意多筆少住不得筆外似有諸峯縹緲撐晴空新安
山水空玲瓏新安人多作客蹤三百六灘流出不歸去閒殺三
十二朵金芙蓉君今小住蘇臺下故里烟霞恣揮灑閣筆如聞
黃海松橫卷飛濤向身瀉蘇臺花月雖紛紛綠波不是曹谿雲

黃鸝勸君挂帆去勝如畫裏求榆粉被圖我亦思垂綸何處雲
谿好問津先人邱隴松楸在原是齊雲嶺下人

暨陽歸舟

一帆秋影翳江沙席帽峯邊看落霞山到晚來尤入畫葉經老
去轉如花魚蝦潮長春申浦鷄犬雲深郭璞家曲折邨溪行不
盡幽栖吾欲寄蒹葭

與金九參軍取酒飲吳氏存吾春齋

同出新安水一支相逢尊酒莫推辭人生離合浮雲笑世事升
沈落葉知作吏要除紗帽氣求官只辦錦囊詩回頭十六年前
事恰似他時憶此時

蕭二子山報罷從婁東來與吳竹橋丈鮑凌客話雨長

真閣

天真閣集卷九

十四

功名易得友朋難聽雨時逢舊雨歡陶侃有親能款客林宗無
饌且加餐離騷讀便稱名士秋氣人宜作冷官珍重黃花留晚
節一枝重爲翦燈看

駿骨猶堪入品題壯年休嘆夕陽西奇文誰解先秦識絕色翻
令下蔡迷科目將開鴻博近才名難得雁行齊謂蕭百堂鮑叔治梅花
柳絮分明處那在飄茵與墮泥

五湖歸夢竟蕭然幾箇閒鷗結靜緣當世宦途千百變斯人林
下十餘年香生帶草文章盛秀發桃花弟子妍只恐鶴書還赴
隴莫教騰笑出山泉

鄉書小捷愧烟蘿老女幽窗學畫蛾一第自憐登峻阪十年已
分臥滄波漫嗟雲路飛騰易畢竟巖阿著述多他日瀟瀟風雨
夜我思君子意如何

靜女四章

生小無雙品稽遲二十餘梅花爲屋貯楊柳對門居玉鏡愁奴
聘銀鉤教婢書今朝畫眉就清水出芙蓉

七出盤龍鏡新妝任意成藐姑猶處子小婦卻同庚八字都關
慧三生只種情自知傾國貌不敢顧分明

一夜東風到無人自卷簾生香偏召蝶勿藥竟奔蟾才思花前
發容光雪後添同時環與燕只是太穠纖

玉貌防人識冰心祇獨知愁聞姑惡烏愛繡女貞枝列肆空錢
會初三謝水嬉綠紗窗緊閉何處入遊絲

鄰洋閣食單法隨圓而變化出之蘭羞蕙香備極芳鮮

卽席戲贈

胸中熟字一千箇顛倒用之成絕奇從來至文貴意匠生吞活

天眞閣集卷九

十五

劍徒爾爲昔嘗論文持此意君也本之以爲味登盤物物皆尋
常入口津津悉珍異初下箸時人不識疑是彭鏗玉廚食鄉鄰
牆頭口流涎童僕都有欲炙色陳思七寶那足道何曾萬錢詎
能寬安排儉腹與枯腸要換糠粃貯金壁主人大笑曰不然此
實豆腐瓜茄筵但須火候十分熟會看凡質皆如仙隨園老人
食單造我更翻騰出新臺文家最忌印板摹師意不師形更巧
我聞此言爲絕倒妙義未必君能道君家自有管夫人工詩慣
削檀郎草空中擲米化丹砂定出麻姑好指爪請君解衣親入
庖雕蚶鏤蛤爲嘉肴奏刀畢竟茫無措還去牀頭問捉刀

慎陽黃徵君祠

鳳凰瘖不鳴山雞伏不舞恂恂黃徵君何以致千古顧廚敦氣
節君獨曠無侶楊戴說經書君又默無語不知羣賢蒙何用傾

襟與荀淑甫入境訂交自逆旅咄哉牛醫兒能制良俚侮同時
奉高器泛濫易挹取汪汪千頃陂玳客自消沮始知眞聖賢深
藏若良賈不聞陋巷中畸行學巢許不聞簞瓢餘著書述湯禹
功名不苟就徵召不深拒時無大聖人孰與商出處末流競錐
刀頽俗失砥柱荒祠屋三楹高風賴撐拄

岳祠銅爵

桐鄉金比部

德輿

之所藏也高五寸六分深二寸七

分口徑長四寸五分濶二寸三分腹容四合重五百

十四銖中鐫精忠報國字左側鐫岳珂建造蓋阜陵

報忠後珂所鑄奉祀祭器之一

趙家金甌半邊失岳家銅爵千年出精忠報國四字香土花不
敢中間蝕冤獄當年莫須有金牌計出權姦手銀瓶弱息不瓦

天真閣集卷九

十一

全鐵椎將軍竟灰朽不念青衣行酒辱不惜金繪歲輸足散歸

五百背嵬軍

醜身酒器公
以各其親軍

痛飲黃龍竟無福何物書生扣馬諫

南渡君臣肺肝見朝廷正懼兩宮還將帥空勞十年戰不成和

議帝不安不殺少保和議難格天閣上爐灰熱五國城中窖雪

寒千古奇冤誰一洗幸有阜陵能繼體既將銅像鑄全身更錫

銅章蔭孫子銅如有靈鑄應躍餘屑猶爲廟中爵墓前頑鐵恨

難銷不幸鑄作秦長腳

閨閣消寒雜詠

拋鍼

一陣輕寒著指尖爲誰辛苦繡還拈殘絨怯向當風唾弱綫慵
教按日添暫阻雙飛成彩鳳曾穿九孔對銀蟾誰憐老女幽窗
下瘦盡春愁不敢嫌

補窗

爲愛寒花透進香戲憑鍼孔漏秋光燈紅忽閃風三面雪白重
糊紙一方不礙關心通笑語何從著眼看梳妝拋他月姊簾櫳
外敲盡鐘聲自下廊

添裘

細骨姍姍弱不勝翠雲輕輦蓋吳綾風姿恰好全身稱雪意還
催半臂增襟帶著人香縷縷衣珠倩姊釦層層消寒笑泥相如
飲卻問騶裘典未曾

圍爐

寒宵姊妹最相憐笑守紅爐不肯眠語次那知風信緊坐來剛
比月輪圓久貪偎傍中心熟豫喜團圓後約堅便到灰殘香燼
候未妨擁背話纏綿

炙硯

天真閣集卷九

十七

一朵湘雲凍玉池元冰黯澹單紅絲氣呵蘭蕙嬌無力火活櫻
桃煖自知消釋先從浮面處溫和須有耐心時何緣手捧琉璃
匣親炙書仙衛茂漪

煮雪

陶家甌子謝家庭風味新傳陸羽經柳絮撲簾何寂寂松濤翻
鼎太冷洽消融水乳都澄徹疏淪聰明到性靈一種閨房清絕
事閒窗休說党姬聽

煖酒

小槽清響滴紅珠玉榼浮香沸翠鑪隨量淺深爲挹注關心冷
煖費功夫二分寒色消梨頰一點春情透雪膚纖手自提銀鑿
落問郎堪否便當壚

熏牀

放下流蘇炷辟塵頻呼小婢看逡巡香原損肺無多染煖嬰隨
心只在勻運轉須教周四角寬圍約可裹雙身笑他銀鴨脩來
福反比人先臥銷茵

擁衾

銷幃一綫射朝暎喚起惺忪小夢寬絮枕倦支雲作態袒衣初
卸雪留痕餘香未盡流連意宿火猶邀覆庇恩憐絕繡鴛鴦七
十半邊冷卻半邊溫

插梅

揀得南枝畧帶鸞玲瓏恰與慧相關橫斜入畫心纔愜疏密如
詩手自刪平日性情原近水箇中安穩亦空山洞房深晝垂簾
地羌笛應難到此閒

天真閣集卷九

十八

長洲韓旭亭封公

是升屬題先世墓田圖崑山王椒畦孝廉學浩作

素練無顏色風生古墓陰百年松柏意一片蓼我心丙舍鍾繇
帖南咳束哲吟人閒好圖畫無此孝思深
就使真廬墓翻成有盡期但畱空翰墨勝似翦茅茨白髮懷天
性青山樂聖時無窮移孝意好說與諸兒

柔兆執徐

出許墅關

市聲清曉散林鴉客舫橫排鴈字斜去路一身拌作僕出門三
日便思家自將行卷供關鈔不把頭銜託使查我望金閨如故
里閨中人望已天涯

揚州

春水綠迢迢凌波廿四橋參差畫樓影一半入青霄樓上朱顏

女時吹宛轉簫梅花三萬樹飛雪滿南朝

曉行同子侃作

一杯邨酒朔風遮四鼓衝寒絮被如歸思料應人各夢清談喜
得友同車驚看白日衰親在嬾向青雲捷足誇真箇長安花事
好何如故里玉梅花

花朝疊去年韻

碧雲縷縷翦生綃閣在初青嫵柳條衣上酒痕如昨日眼前花
事錯今朝程經瘠土詩俱瘦人坐輕車夢亦搖賸有愁心寄芳
草隨風南下長根苗

社日

道是無晴卻又晴亂雲深處夕陽明空濛山岫翠猶溼高下麥
田青漸生僕爲衝寒偏走疾馬緣得路覺蹄輕酒旗社鼓東風

裏燕子南飛我北行

天眞閣集卷九

十九

月夜早發

客睡不曾穩雞聲喚僕夫霜濃愁草滑石細覺途迂曉夢如雲
亂鄉心見月孤維摩今夜雪開徧嶺梅無

柳下惠墓

齊大幾將魯鼎遷先生一語足回天道甘三黜從官小諡定千
秋賴婦賢裸體有誰能我浼坐懷何處得人傳此來正值和風
候楊柳陰陰拜墓田

滕文公廟

百戰縱橫日雙雄睥睨餘此邦真叢爾何力以堪諸幾失祖宗
業猶脩皇帝書至今餘廟貌齊楚竟何如

謁孟子廟

闕里斯文喪乾坤一戰場大賢天挺出古道日重光功業追神
禹尊崇亞素王廟堂瞻企久門外嶧山蒼

德州道中

匹馬入風沙孤城隱暮霞四圍春不草二月雪猶花野渡殘冰
合官橋瘦柳斜行蹤與飛絮各自在天涯

子侃於車中得偏生二月別江南之句爲足成之

天涯悔作故鄉談愈覺風塵百不堪離思結成雲黯黯春情畫
出柳毵毵遲徊去路雅先倦曲折長途馬自語人面桃花俱若
夢偏生二月別江南

晚霽

二月燕山道東風匹馬輕雲推千樹出雪洗四郊清鞭影閒忘
緩鈴聲脛喜晴前邨酒帘裏疑有杏花明

天真閣集卷九

趙北口泛舟

喚得燕南渡口津春光濃蘸柳條勻鬣頭艇子衝波去若種桃
花更可人

漁莊一簇柳毵毵隔樹晴烟染蔚藍笑看綠波中影子居然面
目是江南

魚鱗雲在鏡中搖穩把輕篙當畫橈一抹斜陽紅不了輕風吹
過十三橋

南望煙雲莫靄餘倦遊心事託輕車小橋買得雙紅鯉儻有闌
中錦字書

新城

一彎流水忽空明近水楊枝二月生繞郭有山皆畫色出門無
日不詩情波浮白鷺知春煖野叱烏犍趣早耕不是黃塵飛滿

目幾忘身在客中行

道旁見蝶

曠野氣蕭索翩然獨識春以花爲活計與扇是前因陌路無芳草天涯有美人今宵歸夢好願託爾輕身

琉璃河

劃破琉璃界銀河尺水通平翻兩堆雪橫亘一長虹人老車聲裏春歸柳色中桑乾立馬望直北萬山雄

曉行遇雪

雪勢殊未已亂雲推不開直從大漠野怒挾北風來頓失裘重襲能冰酒一杯壯心偏自煖策馬上金臺

入都口占

旭日方中瑞氣纏鳳城雙闕五雲邊一家堯舜傳心日四海車

天真閣集卷九

書養志年早盼鯨鯢清海甸已聞鷓鴣蕭班聯春風豈爲看花眼得覩孤稜始快然

寄內

梅蕊香中折柳枝天涯又見絮飛時定勞辛苦調親膳應有推敲寄外詩春病二分離弱體郵程一月達京師歸帆不爽臨歧約但屬荷花畧放遲

贈太原某生

絕不逢人處翩然忽遇君泉烹晉祠雪樹拂太行雲秋水蛟龍劍春風蛺蝶裙蓮華香氣外世味不曾聞

戲贈歌者王郎

寧見尙書一刻遲春風先認小楊枝二分明月三分酒唱出梅

郵絕妙辭

崇教寺看海棠

百錢買得小犢車飄然來看城西花離花一里見花頂白雲繞
寺成紅霞三開琉璃大佛殿花光直射如來面花底僧雛自往
來袈裟常溼燕脂片茫茫人海十丈塵夢寬隔絕江南春今朝
借花一洗眼始覺還我花前身我欲將花逕劇取連根移種江
南土只許佳人俊眼看勝教老佛低眉睹花聞我言若笑來江
南豈少花枝開荒園廢圃往往見幾人立馬貪徘徊物無貴賤
貴在少孤根幸託長安道尚惜長安灑灑花不如塞北青青草
日午車聲歷鹿過花開亂踏豪豬鞞但教萬口傳名遍那惜沾
塵日日多

名花十友歌爲構李項茂才

繡斧作

世間妄想寧有此盡娶毛嬙與西子英雄失路無可爲顛倒奇

天真閣集卷九

三

思出非理既無帝王羯鼓催花力又無神仙頃刻開花術四時
花并一時紅只在書生一枝筆友花主人坐中央嘉賓羅列分
兩行花亦有向背而無揖讓忙花亦有笑顏而無詔媚藏靜中
吐納得花氣腎腸心腹一都生香我有飛章奏天簡春花秋
花一何板不如四時錯雜開冬月見蓮夏見梅不然一開不復
落西施直待毛嬙來君之此願始得遂日日傾倒花前杯天官
真有司花神春不借秋秋不春常恨古人不見我又恨我不見
後人安得盡如友花主人變花旨盡取我前我後才人畫一紙

掃花篇

上爲綠陰下芳草中有花翬飛渺渺花翬一縷何處尋只在少
女癡見心落紅滿地聚芳歇銷盡花翬臙花翬東風欲吹吹不
高回望枝頭不如葉勸花莫入水際流波漂浪泊何時休勸花

莫從草間住弱質輕塵豈堪附三尺帚五尺鋤千秋一哭同邱墟門外落紅收不了眼前且共閒雲掃埽花知掃幾年春且趁花前此健身爲花築香泥蝴蝶來會葬蝴蝶翩然亦飛颺只有青天冷月寬斜挂一鉤香冢上莫笑惜花情性癡惜花人自惜芳時世間多少聰明客送盡殘春竟不知

出都口占

落花飛重柳飛輕不定東風上下情日下罷揮求米帖河間浪說數錢名漫將一擲拌孤注暫許三年託耦耕生就珊珊仙骨在此身終合到蓬瀛

古意

垂柳綠毵毵垂髻女十三春雲天半尺秋水月雙潭蜨小香能識鴛鴦曲自諳玉梅花一樹合種大江南

天眞閣集卷九

三三

春怨在琵琶春紅接晚霞一彈當子夜三月落桃花立馬催題扇征鴻動遠笳明朝回首望直北是兒家

回車

滾滾黃塵落滿衫晴雲纜破夕陽銜崎嶇坡路行全側偏窄車圍坐若嵌小就功名尋故紙耦耕歸計託長鏡此行不分薰風裏穩挂清江一扇帆

逆風渡江

染得京華十斛塵今朝洗盡大江濱春風一榜輸名士舊雨三生託美人歸夢不教雲影隔還家猶趁月鉤新回頭戲語封姨道只解長安送畫輪

歸理書齋坐雨有作

去時叢萼未開全轉眼芳陰樹樹圓歡喜乍停行李日冥濛剛

值熟梅天似將歸客塵容洗卻阻良朋見面緣欲起愁心還放
下江南雨足是豐年

天真閣集卷九終

天真閣集卷九

十四

天真閣集卷九終

08681

13380

